


天津府志 第四函

教育部圖書室

22.621012  
1035.073  
225

25



Centimetres

Inches

Kodak Color Control Patches

重修天津府志卷四十八

列女三

國朝

青縣

李萬符二女六姐八姐孝事雙親守貞不字年皆

五十

縣志




戴文祺女奉養孀母矢志不字終身同治十三年

卒年六十六

韓觀成女老姐父母無子矢志不字守貞終身存

年六十三

俱同上



景秀升女立貞住北門外孫家莊女因父母無子  
守身奉侍不願字人父母為之擇配終不允深夜  
紡績忽以燈火自灼其髮殆盡有問名者輒謂父  
母曰吾髮長成再遵親命父母遂不忍強父母亡  
年已五十餘歲擇族之賢者為親立嗣而勤教誨  
焉請旌冊

田立元女許字孫華國年十九未嫁夫亡女聞訃  
誓死投井自經皆以救免姑徐氏早寡迎歸守貞  
終身縣志

監生張發秀女許字尹國維年十九未嫁夫亡女

矢志守貞終身同上以

庠生王起元姪女菊姑性端莊嫻禮法許字徐氏

子未嫁鄰村有傭某乘其獨處挾刃調之女怒詈

被斫死目光炯然如生事聞置某於法時道光十

九年其明年邑大旱村人以烈女事申請旌表浹

辰大雨如注鹽山張熙咏烈女詩容毀不復全臂

落落清風嶺哀哀磨笄山此心鐵石堅生死須臾  
聞君不見侍中灘血有幾許杲卿罵賊誰為侶丈  
夫就義古為難吁嗟  
烈哉王氏女 縣志

吳萬青女胖姐父與張車角口張穢語涉胖姐羞

忿乘閒自刎光緒六年事已旌

孟之友女未嫁強暴豔其色女力拒免忿投井死  
已旌俱同上

楊長春女艾姐光緒十六年拒備張大調戲羞憤

自經已旌采訪冊以上烈女

監生姚景贊妻關氏善事舅姑先意承志姑或有  
偏聽始終順受無少忤姑徐察而悟且悔焉舅姑  
相繼病侍湯藥不倦歿則盡禮見人之急必周故  
鄉里稱善人夫亡子逝守一孫煢煢三十餘年以

壽終縣志以上孝婦以

趙長齡妻劉氏夫亡自經死道光元年旌縣志

庠生李如枏妻王氏夫亡自盡以殉道光三年旌  
侯四妻劉氏年二十餘強暴逼污不從投井死道  
光八年旌

李五妻劉氏被徐三逼污不從投河死已旌

紀士忠妻丁氏孫八妻俗氏均以無賴子出語調

戲丁羞忿投井死俗自經死已旌俱同上

周仁妻謝氏仁不事生產棄母外出氏勤女紅奉  
姑訓子女仁歸以疫亡戚屬勸他適誓死以守性

介有助之者必約償而後可咸豐十年氏偶被誣  
憤甚語人曰我不死無以明志越數月悉償所負

錢米投井死年四十八歲鄰婦賈氏歎而泣曰與居十餘年見其門外無人迹蜚語何爲而至寃哉

邑人宋紹濂撰傳以上烈婦

姚某妻某氏于歸未一載夫外出始終無音耗氏

勤紡績孝姑姑歿遺夫幼弟撫之成立爲授室生

四子姑亡時家貧或勸之嫁媒灼日至堅卻之比

夫弟授室年六十矣偕娣氏操作不少懈新通志

廖某妻朱氏年未三十夫亡守節依河閒紀家終

其身壽九十六歲河閒紀昀記廖節婦事廖姥性嚴正遇所當言必侃侃與先太

夫人爭姚安公亦不以常媪遇之余及弟妹皆隨之眠食飢飽寒暑無一不體察周至然稍不循禮

卽遭呵禁約婢僕尤不少假借嘗攜一童子至親串家歸已薄暮風雨驟至趨避廢圃破屋中雨入夜未止遙聞牆外耳語曰我方投汝屋避雨汝何以冒雨坐樹下又聞樹下有應之曰毋多言廖家節婦在屋內遂寂然後童子偶述其語諸僕曰人不近情鬼亦惡而避之嗟乎鬼果惡而避之哉

癸陽銷夏錄

生員王霖蒼妻馮氏霖蒼故馮年二十一奉事翁

姑以孝聞繼姑病夜祝北斗願以身代孤五歲撫

訓成立爲邑諸生苦節五十六年前志引河閒府志

侯國聘妻陳氏年二十三夫故子重爵甫六歲撫

訓入邑庠屢遭饑僅竭力以事翁姑五十餘年守

節不渝前志

孫保邦妻尤氏年二十五夫故子五歲時值兵變負孀姑攜幼子潛逃避居海濱歷盡艱苦兵退旋

家勤紡績茹糠覈苦節四十餘年卒前志引舊通志

陳元璫妻姚氏年二十六夫亡撫孤守節六十年

家極貧事姑甘旨無缺姑得惡疾人不敢近氏侍

奉不離牀簣值大雨米盡路為暴漲所阻掇殘粒

為糜以奉姑已忍飢終日無怨言前志

姚景遂妻陳氏二十八而孀八十六而歿守節五

十八年貧甚晝夜紡績以養舅姑人稱其孝子師

郊早死婦李氏亦以節稱

監生張鏞妻解氏年十九歸鏞事姑疾目不承睫

衣不解經者兩閱月鏞歿氏年二十九撫姪為嗣

誨養成立守節四十一年俱同上

周巨棼之妻蕭氏夫故時年二十五歲家貧紡績

度日稍有贏餘輒儲甘旨以奉翁姑教子有義方

鄉里咸推美焉壽八十四歲卒孫廩生周甸妻劉

氏夫故時年二十八氣度嚴重持家課子井井有

條子亮鏞為邑名士孫奉紱亦入邑庠皆母訓也

同治八年壽八十七歲卒縣志

蘇兆瑞妻許氏十九歲于歸次年夫故家貧無子

惟事紡績以事翁姑姑有病奉侍湯藥數月無倦容鄉鄰推美年七十餘卒

葉兆慶妻時氏十九歲于歸夫有痼疾氏事夫盡禮育一女夫歿奉養翁姑以孝聞年九十餘卒

賴明高繼妻吳氏夫故時年二十二有前室子方數歲氏撫育周至如同己出孝事翁姑甘旨無缺及子成立娶婦數年子又殂家亦衰落與媳持家勤儉貧苦自甘雖糊口維艱姑媳從無閒言

姚永清妻王氏靜海縣人夫故時年二十一歲矢志守節有子青選方二齡事祖翁姑及翁姑敬順

不違迨先後謝世喪葬拮据俱臻安備青選娶顧氏生子繩武而青選又故顧氏時年二十四亦矢志養姑備嘗艱苦同治十年王氏卒顧氏經理喪葬如其姑

孟振國妻周氏夫故時年十八歲子女俱無又兼貧乏矢志堅守惟事女紅所獲以孝養翁姑母家憫其年幼勸令他適氏志不搖以死自誓迨翁姑歿頻年荒歉至食樹葉度日鄉里莫不欽敬

李耀祖妻張氏夫亡家貧子女俱無孝事翁姑歷久不怠父欲奪其志矢死靡他閉戶紡績苦守終

身俱同上  
以上節婦

庠生張鏞妻于氏滄州監生延岳女早寡撫女守

節工詩著有棲松閣詩草附冬夜憶女詩獨對孤燈黯自傷劇憐一女嫁

他鄉鬢齡便苦兒何怙老景那堪母未亡孤枕難

乾千點淚長箋欲寫九迴腸人生聚散應前定但

以平安祝彼蒼滄州  
詩續鈔 以上才婦

靜海縣 蕭鶴齡女讀書嫻女訓同治元年父病篤女割臂

合藥以進士夫為徵詩以記其孝縣志

王某女奉親不字至五十八歲

王明成女五姐以父母無子矢志不字母姚卒女哀

毀盡禮廬墓三年後明成卒女零丁孤苦女紅度

日邑令黃為措資營子母以養其生同治七年年

七十四歲建坊旌表俱同上

王錦文女大姑父母無子矢志不字年五十餘請旌

冊

王家新女某初家新三子俱殤長女次女皆嫁族

中無可為嗣者女矢志代子職竭力以養道光十二

年家新病故變產營葬益貧女隨母依族叔家榦

家母後得癱瘓卧牀不起者十二年朝夕事之不

懈母既歿欲以身殉家榦理勸而止年已四十矣

遂不嫁佐叔家紉綴以資衣食而奉父母春秋祀焉已旌采訪冊以上孝女

蕭某未婚妻邊氏女名蘭珠任邱人年十五夫卒女請奔喪事姑父引經義折之女以從一對父不聽女乘閒引刀自刎乃昇之蕭翼日蘇以貞節終

隨園詩鈔

武生周世昌女幼許字張桂蔭年十七桂蔭未婚而卒女矢志不字撫姪為嗣同治三年旌縣志

李之春聘妻楊氏未婚之春亡守貞十一年卒同上王典女許字尚步墀為妻未婚夫亡年十七矢志

守貞采訪冊

趙宏紹聘妻金氏宏紹年十三而故氏年十七欲往奔喪父母固止之弗聽竟往焉事翁姑以孝撫嗣子以慈年七十邑令坊旌之

王紹維妹玉女年十九字尚立身子蟒歸有日矣而蟒猝病瀕死家狃俗衝喜謬說誣吉迎女及期女甫入門而蟒死矣女兄弟遂戒諸從者昇女反女父母皆喜女羞澀不敢言遽毀妝素衣以表其志尋有來議婚者母告女女拒以死居無何蟒母病革訃音達女家女請母為姑奔喪母不答女憤

甚不食母懼謀於鄰鄰人義之勸令奔赴女馳至大慟而絕力救之復蘇顧母曰兒不反矣屏處一

室足不出戶一老婢朝夕侍側俱同上以上貞女

唐官屯王某女許字某氏子乾隆四十三年聞夫

溺水死女投水甕以殉年十六縣志

田晉卿女雲姐晉卿外出母劉氏歸甯強暴入室

欲汚女堅拒被殺同治十二年旌

張杏村女滿姑咸豐元年從父幕游蘇州十年賊

至投井死年二十四光緒四年旌

苑氏女蘭香者刑部司務于錦豐母之婢女也母

愛其幼慧體恤周至常為講說閨誡蘭聽之悅左

右母側刻不忍離人不知其為婢也同治七年于

母病故蘭香號泣不輟低語女伴春香曰老夫人

去世我將誰依惟有相從地下耳春香忽之既則

解衣帶縊花架矣時年十一俱同上以上烈女

周汝傑妻喬氏舅病篤氏親奉湯藥諷經祝禱舅

疾為痊姑早逝遺夫妹二撫之以恩荒年周濟親

族閭里稱賢縣志

張元調妻范氏年二十夫亡孝事孀姑子既娶而

天與媳邢氏共撫孤孫成立官北盧口大使范卒

年八十餘歲

前志

蕭友信妻邊氏以孝事兩世孀姑撫孤姪如己出

邊世澤妻鄭氏姑患瘡氏吮之衣不解帶者五月

張正桐妻梁氏祖姑年九十餘失明氏反哺盡職

胥朝賓妻李氏舅姑年皆九十餘勤紡績以養始

終盡孝四人皆早寡守節雍正五年並旌

前志引舊通志

劉萬通妻左氏姑病危割臂煎湯進果愈

請旌冊以上

孝婦

邊某妻刑部司務子錦豐女母侯氏病篤割臂和

藥以進後夫歿殯葬畢曰吾將從夫地下不食死

采訪冊

鄭某妻忘其氏南皮人幼隨母勺食至靜海母改

適元蒙口邢姓氏心悲之無如何強依母居及長

有姿年十五適鄭則廉之子甫三載夫遭疾故氏

籌喪葬具毫無戚容人謂其幼無知也訾之弗顧

日既暮忽失所在驚覓弗得篝燈沿河反復審視

見其端坐水中拯之出已絕矣未旌

采訪冊

把總鄭汝彭妻韓氏于歸後值捻匪之亂家產罄

盡加以喪葬頻仍晝夜績紡以佐翁姑甘旨並以

所餘分贍衰母勞瘠非人所堪光緒四年夫歿痛

不欲生葬甫畢卽於夜閒潛服毒藥而小婢出購時藥肆知有異給以偽物得不死次夜復自縊而纒忽斷於是粒米勺漿不入口者十日尙不死尊親往復責勸以奉翁姑立子嗣爲重死志稍息自後或翁姑病則焦勞備至徹夜潛禱願以身代孝養凡十年而母病且歿家甚貧氏力爲營葬飾終焉先是汝彭從兄弟輩多無子久乃定議爲翁立嗣俟生子長卽嗣汝彭氏聞而喜曰吾翁姑奉養有人矣吾夫亦似續有望矣嗣既定竟於夜閒仰藥死光緒十三年四月十五日夜也

同上

邊楷妻周氏夫亡無子立嗣後自縊雍正三年旌

前志

庠生張朝榦妻丁氏夫亡自經嘉慶二十五年旌

縣志

張景皋妻梁氏年十八夫亡仰藥以殉咸豐三年旌

旌

袁桂芳妻張氏年十七于歸夫亡自經同治六年旌

俱同上

龔榮濤妻張氏年二十五于歸逾年夫亡視殮畢

仰藥死

新通志

李保升妻曹氏年二十七夫亡自盡光緒六年旌

高萬山妻韓氏年二十九夫亡仰藥死

時慶雲妻王氏夫亡自盡俱同上以上烈婦

任典妻李氏典官州同自蜀歸卒於途二子懿寬

幼氏備歷諸艱扶櫬歸里以節終其娣監生任俊

妻高氏婚踰年夫故高年二十六與李同心守節

事姑盡孝以懿為嗣前志懿康熙五十六年舉人娶

杜氏生二子卒杜年二十九訓子持家寬妻袁氏

年二十八亦寡撫孤依姒守節事姑以孝稱李高

以乾隆二年旌杜袁道光二年旌縣志

梁廷順妻郎氏幼孤年十一童養於梁十五歲合

昏廷順不才蕩業盡姑歿拮据營葬寄身李孀婦

家七年復傭工於馬孀婦家庭順欲嫁賣之氏潛

投津郡變姓傭工艱苦備歷至四十四歲廷順改

行氏乃賃屋同居贖回舊產歷年積資買田九十

餘畝廷順故無子姪世果尤不才氏以孤身無託

乃以其地留四畝培墳墓五畝贍族裔餘九十三

畝盡施廣仁堂以惠窮殘乞官立案邑紳延入善

堂為女師苦行堅操一時無兩櫥冊

佟佛保妻王氏威甯鎮總兵山西王三雄女于歸

四載而佛保亡時年十九奉事孀姑身心兼養姑以喪子悲痛成疾日親湯藥忍泣強慰窺姑睡焚香禱天封肉以進姑疾尋愈及姑歿扶櫬歸葬哀禮兼盡佛保無兄弟與從姒同居和順始終無間遺孤熙明漸長授室生一孫而媳歿熙明又瞽旋卒氏鞠撫孤孫成立室僅容身糧無隔宿以鍼黹度日備歷艱辛壽七旬餘同治二年旌縣志生員谷化鶴妻劉氏夫亡氏年二十一舅嗜蠹家貧不能常得乃脫簪珥易之以進姑有狂疾筆楚詬詈無虛日甘受之無怨言撫子毓常成立守節

三十八年同上

尹體正妻馬氏年十九而夫亡無業可倚無伯叔兄弟可恃孝養舅姑誓不他適舅又亡事姑張氏晨昏不倦邑令為請旌焉前志

黃清泰妻郭氏年二十三而寡遺孤襁褓祖姑老病事之甚孝事舅姑亦如之稼穡分勞暇即肄針黹侍以衣食逮子成立守節四十餘年縣志

邊懋勤妻于氏年二十六而夫亡事孀姑朝夕不離左右姑愛之一日不見輒想念不置姑年九十六而歿臨終稱婦孝不忍舍家素貧賴氏紡織度

日撫子成立同上

從九品李廣勛妻張氏年三十夫亡絕粒死請旌

劉連甲妻范氏寡事姑姑歿絕粒死年二十二同上

張文會繼妻李氏于歸甫三旬而夫故時前妻遺

子尙在襁褓氏養育之卒以成立采訪

劉大有妻郭氏受聘後郭移家關東及笄與劉久

絕音訊父母議改婚女聞之默自計乃竊婚書易

男子服而逃晝乞食於路而行夜則宿荒林野塚

中不投人家遂抵劉氏成婚禮後大有以盜案誣

坐賴其鳴冤上官卒白推為巾幗丈夫云

申維清妻曹氏年二十一而寡生二女無子以從

子為嗣姑蚤歿事翁如父翁病篤焚香祈禱願以

身代翁故後益困以糠粃度日從叔申宗周憫之

撥田十數畝以全其節

王某妻潘氏年二十餘夫故舅姑逼其再適氏泣

諫一夕告氏曰速理匳具迎汝之舟將至矣乃偽

為從命攜二子潛行時當昏夜一水盈盈不辨前

路方欲負呱呱者投水死突見有以大刀提燈者

遙呼之曰隨我行恍惚間已渡水抵母家矣後教

養二子俱入學為諸生

曹廣耀妻張氏于歸後值翁病隨夫侍湯藥常左右之翁歿以不獲再侍為憾因戒茹葷已而夫病不解帶者月餘夫故誓以死殉家人勸阻乃仰給母家惡食敝衣坐僻室誦經雖婦孺鮮有覲面者田義妻翟氏王有齡家婢也乾隆二十七年夫故年二十九依故主移居主家零落僕婢各四散氏仍眷戀不去又出外傭工所得工資半以奉主至卒年八十三始終如一日

儒童邊均妻馬氏守閨訓讀女誡二十九歲時有子二而夫故孀姑失明氏歎曰既無伯叔終鮮兄

弟仰事俯育惟未亡人在耳對柩自誓不負亡人地下未幾姑卒值年饑破產以葬葬後與已嫁小姑同居小姑疾廢乃以十指供兩家遺嬰均藉之成立俱同上

以上節婦

拔貢李煌妻紀氏閨名玘文字蘊山文安紀秋槎女秋槎官於湖北氏幼隨父徧歷江山之勝能詩與煌極閨房唱和之雅著有近月亭詩鈔縣志

庠生呂登龍妻厲氏與慕某女雲芬均聰慧工吟咏完顏夫人惲珠采其詩著之集同上以上才婦

滄州

張氏女父名失記崇禎十二年流寇肆掠時母已  
 亡同老父幼妹居城南舍女寺村賊至父被執索  
 財女與妹潛投後園井中水中浮有橫木得不死  
 寇退鄰人出之父已遇害女伏屍慟絕適姑丈劉  
 某至救之而蘇遂育於姑家時年甫十四迨十七  
 歸李震成紡績佐讀壬午震成舉鄉試第一次年  
 成進士歷官陝西布政司參議時弟龍成騰成家  
 苦貧張以千金產推與之震成不知也州志  
 臧際泰女年十五因父病許割股祀天父病果愈  
 氏於元旦昧爽割左臂肉供諸神前及旦母呼之

起不應啟被視之則血流滿褥矣鄰里觀者莫不  
 駭異時康熙三十七年

庠生曹允升女玉姑端莊寡言性至孝侍父母病  
 衣不解帶者數月羸困成疾卒年二十五歲俱同上

六品銜趙子瀛女五姑事親不字父有喘疾日夜  
 跪禱天願父早愈後三年果瘳嚴冬不御棉衣以

酬願卒年二十九請旌冊以上孝女

張某女長姐劉傑童養婦也傑外出四年無音耗  
 女歸母家其舅迫令改嫁女不從投井死乾隆十

四年旌州志

田超女有惡少李佩欲強污之女堅拒不從捐軀

明志乾隆三十三年旌

劉宦姑年十七父母皆故孝事祖母其族某賣之女投井死撈屍不得出官祭之乃出面如生

梁鎮魯女龍姑年十五有惡少欲污之堅拒不從羞忿自盡

李某女黑姐以堅拒不從被惡少剖腹死

高鈞女四姐年十二挑菜於野無賴子胡成欲強污之不從被殺嘉慶六年旌

某氏女韓家小集人拾麥於田鄰有無賴子楊某

調之女羞憤抑鬱成疾死同治三年事俱同上

劉國相聘妻韓氏鹽山武舉韓波女國相應京兆試卒於客邸欲別為議婚女不食死鹽山縣志

都司吳靜山女存姐年十六惡少馬達踰牆入欲污之女大罵不從其母聞聲趨入馬乃逸去女遂

自盡光緒六年旌檔冊

某氏女名玉卿少失怙恃依祖母度日其祖母貧且老咸豐四年在田拾麥有楊某見其美調之夜又往叩門文遂自縊死楊踉蹌歸自言其事亦死

州志

烈女黛城年十五家貧父賣於妓婁氏使侍客不從撻辱之女大罵妓乃與匪人馬羽子支解之棄於河隨言見女自道其事絕喉而死道光十年事周貴思聘妻姜氏未婚而貴思溺死父母欲奪其志女遂自縊周氏請其骸合葬於墓

庠生蘭得春女七姑幼讀書許字漢軍季斌敏為室斌敏未婚卒女年十八矢志以殉父母苦勸乃稍進飲食逾二年有媒至女知其為己也兩次取刀截耳得春封以報季請成女志季迎之歸女將行猶以七首隨事姑盡孝二年服闋事聞得旌同行

治十二年六月女歸家拜辭其母賦絕命詞詞云南陌

郎君墳夫婦得相見郎死報親難代視二年膳宜興崔迺翬撰蘭貞女傳貞女季蘭氏者正藍旗漢軍斌敏聘室滄州蘭茂才得春女也同治八年斌敏病歿來告喪貞女年十八立志殉夫吞鉛粉吞斷鍼吞金俱不死家人防守嚴乃絕粒母哭勸捧食以進貞女不答兩目直視母不下一淚相持至八九日扶掖不能起聲息幾盡當是時母見貞女不食亦不食伯母泣曰汝母弱多病今為汝故食不下咽者數日矣汝母將為汝死貞女放聲哭引漿入口謝母去然每餐不過一盞蓋陰藉以羸弱斃也如是者二年有問名者貞女輒涕泣為之廢食母伴謝遣媒去既而貞女臥病或累日不起其父心憂之謂其母曰兒不悟奈何陰遣諸子引古今事蹟解說萬端貞女卒不變戚友聞之踵門相請議未決貞女方盥見婢僕偶語詰之貞女微笑曰此為我矣急起取刀截右耳流血沾衣襟盆水盡赤一耳落鏡旁刀猶在手小妹走見大聲呼

母救母色變逾時良久始定哭謂貞女曰吾當成汝志勿自苦傳藥裹瘡收刀去錐翦盡匿貞女病瘡三日愈晨起候母母未盥貞女左手捧一盞血右手提一耳下氣怡聲婉詞謝母曰母勿驚昨得半鎌截左耳兒心快矣母知貞女百折不回始與其父定謀封兩耳報季請成女志季許諾卜日來迎行有日貞女請曰事變無常人心不可測乞賜七首脫有不虞得速死餘無所需母流涕許之遂以十年三月適季見廟成禮臨穴醮奠哭盡哀暈絕者三觀者數千人無不感泣且曰得婦如此敏格不死矣敏格者斌敏字也貞女聞夫喪後素服十六月至是反喪始服白如初喪禮敏格之未死也頗得嗣母歡嗣母亦以己生子視之敏格早死嗣母大失望貞女來歸事姑如事母姑心愛之復如敏格時貞女內念姑恩無已朝夕在姑側飲食起居躬自調護不假手婢僕暇則為姑講說古事述方言為娛雖至二三鼓累促不退姑忘其無兒焉伯翁餘慶高尚士也鳴其事於京副憲劉公嘉其節烈異常特削贖貞女歸告父母曰兒事平今若此重兒罪矣兒本女流罔識大義覲顏視息

苟活三年者祇以持服未終為夫報母耳九泉待我久當往從之父極諭以汝姑在堂汝不得為此貞女默然凡居母家十七日而歸侍姑歡笑倍他日是晚在姑室絮談戀戀不舍三四促不去去即閉戶焚香再拜令侍姆先寢自坐作書天微明侍姆聞室中有鼓樂聲驚起告貞女三呼不應見其面色青疑為疾作呼姑來扶而視之則貞女已服毒死矣附棺等物悉置身旁七首亦在側并置一匣帳間啟之得所親書女論語一冊柏舟葛生二詩手錄古今貞烈事迹數十紙及摺扇一柄所書乃文天祥正氣歌程子視聽言動四箴也旁置一包寫全歸二字緘封甚厚發之則當年所割兩耳肉乾而不朽侍姆見之泣曰前此兩月主母命我以此置於棺疑為戲耳不意果有今日因以前夕作書事告族眾檢視乃自言志並別訣親屬語也字畫端正數十言無錯誤者翌日始殮羣蠅不集左右數十里間皆異之時同治十二年六月之十有七日也 俱同上 以上烈女

張某未婚妻紀氏文達公會孫女年十八夫故家

人欲爲改字女矢死不二乃送之張守貞終身縣志

監生紀樹猗女許字張寶琛年十八張卒守貞三

十餘年

請旌冊

朱豐林聘妻李氏年二十未婚夫陣亡後歸夫家

守貞孝事翁姑年二十八卒

同上

楊吉雲女一姑性篤孝母高氏嘗疾禱天割臂肉和湯藥以進轉危爲安迨母故痛不欲生言於嫂妹曰吾所依者母耳今奈何遂絕粒數日嫂妹勸以父存女始進飲食父亡亦如之初及笄時有來

議婚者女私於母曰兄貿易在外嫂生有幼子女若再去誰事父母誓不字母諭以居室大倫義不可廢女涕泣固請亦聽之今已五十二歲矣日坐閨中讀女論語女訓約言女範糾俗諸書聞外事皆不與聞親朋至亦趣避之罕有覩其面者人咸敬焉

采訪冊以上貞女

韓國長妻張氏性至孝事繼姑以禮同族韓懷西妻李氏姑性暴嘗以翦擲傷氏面敬恭無怨言時

稱孝婦

州志

李榮芳母崔氏孝事舅姑性好施鄰有貧欲賣妻

者氏資助保全之

候選州同王夢簡妻李氏性貞淑事翁姑以孝聞姑病飲食藥餌必親嘗歷年餘不少懈及歿哀毀逾禮已亦抱疴每祭必令人扶拜曰吾不敢一日忘先人也嘗買婢詢其姓氏知爲寓居宦裔急還其家贈資擇聘舅家有舊僕貧甚欲鬻其妻氏聞之予以錢粟俾得完聚生三子長琇雍正甲辰武舉人俱同上

生員于士弘妻龐氏在室時事繼母以孝聞十七歸士弘姑病劇不起侍姑晝夜不怠後舅姑相繼

歿備盡禮誠前志

大同千總李之欽妻王氏舅邁疾醫藥罔效不食者累日矣忽呼羹氏因割左股肉二寸作羹以進啜之疾竟瘳同上

邱濬妻吳氏夫故時年二十七奉孀姑至孝姑歿泣血喪明鄉里悼之子二人訓以義方家聲不替卒年七十州志

張文昇子婦王氏姑郭氏病割肉以進里黨共稱其孝

孫能功妻戴氏二十四歲夫亡撫孤養老紡織爲

活姑臨終呼曰吾兒真孝婦閭里聞而歎之

監生呂旻妻傅氏事姑以孝謹聞姑老病侍湯藥不安寢者兩月幼子在襁褓夜半索母啼聲達四鄰不顧人問之曰吾撫子之日長侍姑之日短也姑歿哀毀逾常夫遭鬪牆之變氏委曲周旋終致和樂年五十七卒

劉自成妻李氏夫亡舅七十一歲奉之惟謹歿後喪葬盡禮撫幼子重慶髫年入泮歿之後居室忽有異香半載始滅人咸奇之

趙國長妻關氏國長謀食外出不歸遺子女七人

皆撫之成立孝事八十衰翁卒年七十一歲

宋奎朱繼室趙氏幼事母以孝聞長適宋宋業中落操井臼供甘旨佐夫養姑姑嘗曰真孝婦也氏以寡母貧而無嗣私憂於心姑知之俾迎養於家益悲感奉事母姑曲盡其道同居二十餘年無閒言會姑卧疾三載夫亦多病日侍湯藥姑歿哀毀逾常盡鬻釵珥以營喪葬皆如禮夫因痛母病劇旋卒又竭力經營喪葬亦如禮身勞心痛嘔血常盈盆時家徒四壁孤兒瑋僅十齡嘗指謂曰兒爲姑愛孫惟克振家聲是望吾不能撫爾成立負吾

姑矣延師教讀時訓以咬定菜根之語有古賢母  
風越數載母病又歿殯之日哭不能淚泣然若迷  
得病而終年五十三歲瑋後成壬戌進士

臧於信妻柴氏事舅姑以孝稱姑遲氏病篤氏割  
股以進姑病旋愈鄰里稱之

監生張爾鈺妻張氏事姑以孝聞姑親屬有依勢  
欺凌者氏不與較晝夜定省跣步不離姑歿哀毀  
逾禮夫後經商於閩十年不歸氏撫幼女營家計  
閨門肅然尋詣夫所踰年生子法良甫周歲夫亡  
弱女孤子熒熒莫倚扶柩歸滄閉門守志壽七十

六卒子法良庚子武解元辛丑進士任陝西永安

堡守備俱同上

馬落坡賣麵婦某氏家貧事姑盡孝恆自磨麵夜

夜徹四鼓如是者二十餘年灤陽消夏錄

庠生張天衢妻蘭氏舅與夫相繼歿氏撫孤守節  
年至七旬日侍姑側無倦容姑歿哀毀失明子召

棠舉人州志

職員王雲翔妻紀氏性至孝侍姑疾不假婢僕歷  
十餘年如一日子六登科者二好周人之急道光  
十五年入城途遇勾數十人命各與之飯眾叩謝

時一笑而卒年六十九歲

苗芬妻王氏年二十七夫亡侍姑疾歷數年不怠  
教子成立戚族有急恆脫簪珥周之卒年八十一  
歲道光十九年旌

丁大武妻李氏翁歿關外大武以迎父骨資竭歸  
尋卒氏年二十九益勤紡績數年集資骸得返或  
疑真偽氏曰聞翁醉後顛仆折半齒驗之果符又  
數年姑卒喪葬盡禮撫嗣子成立卒年四十三歲  
羅文華妻孫氏年二十八夫亡撫孤守節繼姑有  
疾嘗割臂醫之卒年八十一歲

徐忠妻崔氏年二十八夫亡紡績奉姑朝夕不怠  
享壽百齡無疾終

楊天德妻王氏性至孝伯翁遊塞外不返翁長齡  
思之天德往尋氏暗繡八字於夫之襟裏曰夫行  
如蓬妾心如鐵是夜夢亡母呼小字語之曰孝貞  
孝貞汝全汝貞豐亨三歲貞乃明醒不盡解姑識  
之時年甫二十也天德去二年無耗氏浼戚某往  
探始知夫歿伯所在又五年不歸舅歿既葬又浼  
其兄王某往迹竟攜繡字衣襟歸蓋天德死已葬  
矣氏奉姑率二女編草笠自給自咽糠粃而姑甘

旨不缺未幾姑病脾洩氏嘗之苦泣曰姑其危乎  
比歿質宅營殮勺飲不入口晝夜哭淚凝成血葬  
於積雪掬土成墳初氏寡時其兄憫其苦微諷之  
氏怒欲自剄乃已守節六十七年咸豐紀元州人  
龐鼎來爲立傳當天德至塞外有武郎漢吉爾們  
氏內蒙古科爾沁部人未嫁時隨母赴外家至筆  
架遇寇殺其母天德適與之會奮力擊賊逸去親  
送女至其家女父感天德恩以女歸之辭不獲已  
納爲妾甫半載天德復出尋伯父染疫死適天德  
妻兄王某至見氏於烏拉鎮雪嶺下爲述往事卽

以馬革裹天德屍葬之向王某叩首曰吾不能隨

阿姊共事婆婆矣是日自經於墓王某視其合葬

而還

按州志紀事云山東濟陽王思義攜妻余氏

流徙至滄之白兔村生子而殤村人楊長齡  
僱使乳子天德後思義落井死余亦投井以殉長  
齡曰烈婦也爲之合葬後天德死於外妻王氏奉  
孀姑龐氏居龐冬月病思魚不得王晨汲輒禱冰  
滑破其瓶倏一婦來與水一盞素不識愕問之婦  
曰歸詢爾姑自知急返詳述其狀龐恍然曰得毋  
汝夫乳母余媪耶爲述往事未竟盞中潑刺有聲  
鮮鯉躍焉烹以奉姑病良已

庠生于安慶妻許氏姑病躬侍湯藥不少怠及歿

哀毀盡禮卒年八十有五

王連彩妻滕氏年二十五夫亡遺女在抱姒胡氏

一產三男卒氏代撫之女奪乳致殤常忍飢奉姑  
姑歿貧無以殮泣血不欲生戚族感其孝爲收葬  
之

孫香齡妻龐氏年二十一夫亡服闋姑探其志以  
竹與籐使擇之氏取竹曰竹有節能耐寒姑爲起  
敬撫孤子事舅姑皆盡職姑病頭風姑不食氏亦  
不食比鄰火屋皆燼氏室獨存人以爲孝節所庇  
鮑拭繼妻趙氏孝事繼姑撫前室子廷燦廷燿廷  
燕如已出廷燕舉人已子廷食入庠卒年七十四  
歲

葉德全妻崔氏德全客死氏年二十六翁姑欲奪  
其志不從則逐之出氏攜女乞食久之以傭媪得  
資仍奉舅姑歷十餘年生歿盡禮守節已四十四  
年

郭九妻某氏九有弟不慧母愛之以九居近市囂  
攜幼子遷其居九業木工不能隨得甘旨必親奉  
日兩返相距二里許數十年不怠值工作則妻代  
之仰承色笑如其夫

隋冠貴妻劉氏諸城劉環之婢女也冠貴幼貧依  
環之因以劉爲配數年歸母以其婢也滋不悅冠

貴遂厭棄之劉無怨色時寄衣物奉姑未幾冠貴  
客死劉聞訃奔喪以蒲裹骸行五百里負歸葬姑  
見之弗與語劉盡出衣飾以奉旋復被逐乃傭京  
師得錢仍以奉姑歸值嚴冬衣無棉姑令戶外徹  
夜跪曉仍愉色姑歿葬盡禮年六十一無疾卒守  
節三十年

于志誠妻董氏年十六母病割臂醫之愈比于歸  
舅與夫皆病復如之亦愈未幾志誠客死氏年二  
十九歲守志事姑姑得奇疾氏晝夜侍之歷十餘  
年如一日俱同上

童某妻李氏年十七于歸夫出外二十餘年氏親  
葬舅姑哀毀盡禮子全德妻孫氏亦淑慎子故孫

氏年三十後姑媳病卒請旌冊  
以上孝婦

王季春妻梁氏家極貧無交謫語季春死慟哭不

食自縊死前志

馮大妻張氏線姐夫性癡有僧慕婦色與姑靳謀  
欲污之不從百方凌逼拒愈峻歸甯時泣訴於母  
母大痛欲奪之婦懼播姑醜改顏慰母逾日歸恐  
終不免於污也遂自縊死之夕香溢里門旬日不  
散人歎異之同上

張某妻郭氏年十九于歸夫夙嬰痼疾不能愈父母欲奪其志不從事翁姑曲盡孝道歷六載夫死

哀號自縊鄉里以奇節嘉之州志

馬福德子婦張氏年十八于歸數月夫亡父母舅

姑勸他適張氏哭不食死同上

祝純連妻曹氏夫病卒絕粒七日祭畢慟絕復蘇

卽於是夜自經死乾隆四十四年旌張鏞妻于氏

下高風何處尋冰霜節操冷森森雲窗長掩會窺鏡玉案猶張舊理琴七日銜悲明大義一朝撒手

見貞心從今閨閣增坤範長使同懷淚滿襟祝純琮妻吳氏輓曹氏詩漫道千秋恨事多今番恨

事屬曹娥淒清露冷門前日落寞塵封壁上梭三載除葦身似鶴七朝泣血淚成河已知完却冰霜

節那問虛名更若何滄州詩續鈔

張烈婦夫某乾隆五十五年歲荒隨夫覓食中途

相失訪至豐潤吳谷莊遇無賴子欲強污之不從

被勒死事聞旌之如例遵化知州復修張烈婦傳

姓名不可攷乾隆庚子值歲荒隨夫外出中途行相失氏訪之至吳谷莊日已昏無住所里有崔璞

者素無賴見其窘給之曰吾知若夫所顧夜暮奈何盍至余家少憩明晨同往可必得氏以迫於見

夫又嫌於露處也冀其家有女伴可暫依不得已尾之行甫里許以足繭藉地少坐璞乘閒欲污之

氏堅拒哭且罵璞恐其聲聞於路也扼其吭勒而斃之翼日里正以事聞於官得凶惡訊如律請旌

建坊入祠贊曰婦生長窮家未嫻姆教而遇強暴抗節不屈如是嗚呼烈矣為藁砧故而匍匐荒郊

其志可矜未可以行露論也遵化州志

劉某妻周氏郝家莊人夫族無賴子誘之氏堅拒  
 不從示以金若弗見乃持刀逼之大罵被殺同時  
 石某妻龐氏亦以無賴子誘之不從羞忿投水死  
 賈培蓁妻白氏孝事舅姑夫客死訃至欲殉舅姑  
 勸止一日遺書訣其兄逮兄至已投水死同治十  
 三年旌冊  
 顧升妻李氏夫為葉姓傭氏年二十五夫亡孤以  
 痘殤誓從死其主母陳氏主綬妻也亦孀居勸與  
 同守李遂依之為陳撫繼子成立娶婦賢孝李語  
 人曰今可遂吾志矣是夜服鴆死年三十三歲

吳特元妻王氏特元官中河主簿咸豐十年奉委  
 至清江浦捻逆突至特元殉難氏聞變亦自盡  
 孫鳳山妻徐氏年二十二夫亡矢從死以遺娠舅  
 姑皆老暫忍焉舅姑歿子年十六葬畢闔戶自經  
 死俱同上

文童劉祥麟妻竇氏年十九于歸夫亡絕粒以殉  
 年二十歲請旌冊

馮玉山妻子氏年二十四夫亡後十日自縊死  
 白應貴妻陳氏年二十一夫亡自縊死

于蔭楠妻閻氏夫亡服毒以殉年二十五俱同上

生員侯毓璋妻王氏永甯女子歸時年十七歲數月後夫故母勸之改適不從後歸甯又聞議婚行聘有日矣亟返路過夫墓哭甚哀至家以帶自縛投門外塘水死同治十年二月初五日也采訪冊

陳順妻李氏毓英女順少孤依族伯邦俊居邦俊聞李美乘順外出詭告李氏家某日娶婚期定順尙未歸至期先令己女與新婦拜堂然後邦俊入室欲亂之李不可邦俊怒詰朝順歸乃託言新婦不孝婢畜之啖以惡草具日摧折之不可堪順入室與語訶罵順並楚撻李李終不污旋抑鬱而死

時光緒七年六月十一日年十六歲

生員馬斯臧妻姜氏婚三月夫亡既葬自縊於墓

王金城女歸開州訓導馬龍圖爲側室咸豐八年

八月夫死自縊以殉年二十七

南皮縣季卓瑛妻侯氏庠生昱女性貞靜孝事翁

姑夫病故矢志殉夫迨夫弟完婚曰有娣代事翁

姑此身可無累矣竟於夫服闋日仰藥自盡年方

二十二歲俱同上  
以上烈婦

生員劉彥妻呂氏年二十三夫亡苦節自矢撫遺

腹子妻亮成庠生四十八年如一日順治十三年

旌前志

生員李廷楨妻王氏年十七夫亡守志養親翁歿拮据殯葬盡禮姑瘋病卧牀九年朝夕扶持始終不怠守節四十五年康熙九年旌

生員吳坦妻胡氏夫亡守節孝事舅姑以姪爲嗣視如己出課讀惟嚴名列黌序守節三十九年雍正四年旌

俱同上

葉選繼妻劉氏年二十歸葉甫三月夫故撫前室子成立孫洽成進士守節五十年卒乾隆二十一年旌

按前志有葉選妻劉氏不載事實似卽此州志

葉乾元繼妻子氏年二十一夫亡治家嚴肅訓嗣子有義方嘗曰子非己出而故示寬容是博一己賢名而縱子不肖也人以爲名言道光十二年旌  
褚慶長妻武氏年二十四夫亡姑老病子甫三歲勤紡紉以事以育卒年六十有八道光二十三年旌

庠生張雲翼妻子氏年二十四夫亡矢志守節孝姑甘旨無缺子繼武入庠咸豐元年旌

庠生戴琇妻劉氏年二十七夫亡撫孤奉姑守節姑歿哀毀失明訓孫鸞圖官教諭苦節五十七年

咸豐二年旌

戴萬雄妻董氏年二十夫故舅姑性嚴氏事之得其歡心娣姒雍睦卒年七十九歲咸豐三年旌

時氏婢名芳貞嫁劉姓家赤貧年二十一夫亡無

子苦守事姑姑勸之嫁不從傭工養姑積錢付族

弟春齡置薄田姑得終養存年五十有三守節已

三十三年

光緒八年補旌俱同上

劉燾妾張氏燾明嘉靖年間官侍郎年八十始娶

張越七年故張誓死守節壽八十七歲順治初年

卒前

志

世襲金帶指揮張祿妻孫氏祿年十八死於軍時

氏年十六撫孤守節壽一百四歲生於前明萬曆

二十年卒於

國朝康熙三十四年知州李勳旌曰天壽冰操

賈允迪妻吳氏允迪中崇禎辛未進士授山西汾

陽縣卒於官氏年二十六鬻簪珥為棺具扶喪歸

里倍極艱瘁督課諸子克振家聲長廷爽順治己

丑進士登州府推官次廷奕陝西鄠縣知縣氏年

五十八歲終

董某妻吳氏年二十五而寡卒年六十守節三十

六年

張宏芳妻韓氏孝事舅姑孀居課子寒暑不輟享壽百歲人謂節孝之報

監生吳士琰妻劉氏年二十四夫亡奉姑教子苦節四十年學使吳襄旌其門曰璇閨令範俱同上

監生王澤貴妻劉氏事親以孝聞子應典雍正十年舉人同時庠生劉嘉善繼妻曹氏相夫盡職訓

前室子如已出子連芳紹芳均舉人州志生員王用吉妻姜氏十七歸用吉閱三載夫亡無

子又五載舅姑同逝時夫弟贊年十一盡心鞠育

既長為之授室舉舅所付千金授之封識如故後

以贊子言為嗣前志

庶常戴寬妻胡氏寬卒於官以死自誓守節三十年家故貧日課嫗婢紡木棉以自給寬弟寅以孝

廉授江西定南令嘗寄金若干為贍資逾年寅罷官歸貧甚即出所寄金付之封緘如故食貧苦節

中外頌之

儒士劉元耀妻趙氏年十八歸劉二載夫故絕食

數日欲從死姑以幼子無倚垂涕勉之食子復衍稍長從學外塾每歸必令背誦日課有遺忘即扑

責之且垂泣曰汝不成人悔不早從汝父於泉下也子激厲奮勉學業遂成舅姑繼歿典遺田營葬事皆如禮俱同上

班姓妻洪氏初未娶時姑歿翁續娶未幾翁亦歿後姑悍而囂欲離婚洪父母亦樂從獨執不可乃仍適班後姑不使同居且逐班班私訣曰吾誓不歸汝可改嫁並以退書予之大慟碎書哭曰待君四十年不歸吾以魂覓君所遂返居母家越九年得夫所乞父共尋之至天津復獲完聚僅七月夫又病亡遺腹生男名曰全德家苦貧紡織自給終

身州志

張超妻章氏年十九于歸甫九月而夫歿誓以死殉因有遺腹姑待之越四月生子恢宗祖姑憐其少令改適引刀截指以明己志後歷三十一年卒

同上

庠生尹嘉訓繼妻呂氏年二十三夫亡家貧甚撫前室遺女并日而食女長適人數年亦寡依氏以守未幾女又卒氏性介年五十九以貧不能存自

經死

前志

監生楊廷棟妻于氏孀居守志訓嗣子永清登武

重刊天津府志  
列女  
科壽百有十歲無疾終

州志

武魁妻吳氏年十七于歸舅姑歿夫蕩產亡去氏年十九撫夫幼妹二鍼膏自給以義子爲嗣母家貧父歿母嫁兩弟典身爲奴氏贖之歸夫妹寡無依欲攜子女他適氏爲謀衣食俾以節終存年六十有六守節四十七年

臧奎妻楊氏奎年十五未婚其兄達傷人應抵奎代之繫獄數年得減論戍氏父母以奎無返期欲改字氏堅拒不從奎在戍又十年遇赦歸乃卜吉成禮

陳某妻楊氏年二十夫遠出不歸紡績事舅姑撫子世泰旣成立俾往尋父得之關外已另娶不歸世泰泣而返氏奉舅姑終老守節七十餘年

劉維妻馬氏立女夫故時年始十九歲未嫁時嘗以孝聞及夫故翁姑繼逝孑然一身遂返母家家亦窘迫或勸傭工求食答曰母老矣井汲維難吾與母偕苦耳歲屢禋與母行乞得食惟奉母已時飲水禦飢母依女至九十餘年始終凡守節五十九年卒

俱同上

劉永元妻馬氏夫故氏年二十遺孤尙在襁褓堅

志守節撫子成立復歿撫孤孫熒熒相依六十年

如一日

案前志兩見劉永元妻馬氏而蹟不同初稿將其一入後無事蹟類而遺此應仍並

存之故

張殿明妻臧氏年二十三夫亡殿明應承叔嗣叔

母以氏無子不忍氏以遺產悉讓夫兄紡織自給

久之叔姑貧病欲資氏為養而難於言氏泣然以

為己任事之終身無失禮

州志

劉玉楨妻王氏姑性嚴怒輒撻之氏順受無怨言

玉楨卒氏年二十五事姑益謹撫孤守節終身

張掄元妻楊氏年二十七夫亡夫姊欲奪其志矢

不移孝事舅姑撫子成立

戴嘉遯妻張氏年二十九夫亡欲從死舅姑勸止

撫嗣子以守值歲禮里人多餓死氏質衣飾以施

或謝之則曰翁意也卒年六十

吳大用妻鄭氏大用父子遇暴雨凍斃於田氏二

十七奉姑撫子苦節終身

王宏斗妻李氏宏斗避債出亡舅姑以李年少謀

於其父勸他適氏誓死不從撫嗣子以貞節終年

七十八歲

劉某妻孔氏夫出不歸舅姑以家貧欲嫁之不從

歸甯母亦勸遂佯狂自毀乃聽之舅姑父母相繼  
卒傭工自給言笑不苟以貞節終

李連祥妻劉氏年二十四夫亡父母欲奪其志許  
嫁富家子約夜閒強遣之氏聞信趨夫墓拜哭以  
薙髮刀自刎氣絕復蘇夫弟連城鳴之官女恐父  
被責哀泣求免究官嘉其節孝賜彩紅輿送歸里

同治十三年事

俱同上

山東日照縣知縣張惠霖妻趙氏生而端嫻奉父  
母以孝聞年二十歸張族戚稱賢既生子寶瑜夫  
歿濟南旅邸氏絕粒數日慟不欲生念孤子無依

始扶柩歸孀弱頗受外侮處以鎮定督子從師力  
學自奉儉約而仗助同堂子姪甚厚鄉里敬之寶

瑜後以諸生官南樂教諭

采訪冊  
以上節婦

州增生李瑤妻左氏性貞嚴幼讀書明大義及笄  
歸於李克盡婦道閨門靜穆或竟日不聞語聲翁  
姑常相向異之生子五人方數歲卽口授小學講  
解不倦曰此爲人樣子也夫故時年三十有七茹  
冰飲檠躬訓諸孤每晨起卽於殯前闔題課時藝  
一首又於舍西剏別院扃其戶非召不啟以故諸  
孤不就外傳學業日進長之崑孝廉次之崢之擘

俱進士之嵩庠生之巍亦孝廉孫曾繼起甲於滄  
郡後以之崑貴封恭人年七十五卒

州志

候選縣丞呂炯繼妻劉氏幼嫻姆訓歸呂克執婦  
道待前子逾己出常曰兒無母倍可憐也至出粟  
周貧捐匭助嫁族黨交稱其美年七十餘歲卒  
梁光裕妻于氏未婚時光裕遠客十載不歸訛傳  
已死時光裕父母皆垂白憐于少謀於于母命別  
嫁誓死不從乃迎歸執婦道惟謹光裕家故貧父  
母年並髦無所得食于傭於節婦李氏家得值以  
養之歷八載舅歿喪葬無失禮姑泣謝之復婉諭

他適正色對曰兒所以奉舅姑不去者為吾夫也  
今夫死舅又死兒他適姑豈能獨活耶姑泣而止  
後三年光裕忽歸鄉里聚觀驚歎具禮成婚于年  
三十七矣

生員呂伯龍妻劉氏伯龍病日幾瞽朝夕顙天以  
舌舐之經歲復明遂以憂勞致疾而殞鄉人哀之  
稱曰淑媛

俱同上

張延緒妻劉氏事舅姑克盡婦職姑歿晝夜哀號  
幾至失音無子為夫置側室以廣宗緒鄉人賢之

據前志補

重刊天津府志 列女

葉道繼妻劉氏性慈儉知大體訓前室子汝蘭汝

芝入官有政聲年八十五猶率子婦紡織不輟汝

芝官浙江按察使時氏謂之曰今人輒言雋母事

吾以為有心反之必不能平時以為名言汝芝妾

牛氏年二十七守節三十一年卒州志

董芳妻姜氏事舅盡孝訓子友筠以進士歷官觀

察同時劉檝元妻孫氏孝事舅姑孫無出為夫妻

妾蕭氏生二子次仲珪官涼州知府

孫芝妻趙氏孝事繼姑庠生于楚玉妻任氏職員

陳五璽妻趙氏馬振明妻白氏于某妻辛氏夫病

皆割臂醫之愈俱同上賢婦

宋起鳳妻張氏起鳳順治閒官廣東知州以憂歸

直隸總督郝薦舉博學鴻詞不起張以詩名張氏寄外

書嗟呼先生今乃遽成南北耶往夏祖帳白露訂

歸繫柳而去數雁期來羽奴之託雙鯉三剖蕉園

之想一鹿百迴既詫風雨重陽好花空惜漸驚椒

梅歲晚殘月徒憐日望白駒之征塵遂爾青山之

坐老加以隴上弄兵漢北入寇鑑湖帆張香閣鈴

語今則繁紅怨鳥輕碧愁煙子規血竭於五更杜

若芳滋乎長日闌珊春色白日淒其先生具休文

之弱質抱馬卿之瘠腸賦買多金為凌雲而作客

笈攜千里因締蘭以去邦初擬社結白蓮繼歎居

同仲蔚夫燕趙號多佳人豈陳雷不圖良觀花塵

走馬柳席流鶯細腰驚鴻皓齒迴雪琵琶光出塞

之容玉笛豔進宮之媚蛾眉素馬上之妝螺黛潤

車前之頰催詩徵字賭曲按歌雖顛老別榻亦當

遷置鳳巢即倪癖清懷終爾交聯鴛譜知斷腸適

重修天津府志 卷四十八 光緒戊戌

值江州醉心更在茂陵耶以先生年富陳思狂追  
阮籍縱不能錦幕布情豪於十里亦終有新詞邁  
詩媒於百章名士悅傾城固應若此才人多薄倖  
信所云然妾以淺識窺此素心將謂先姑早世堂  
上鮮垂鶴之容壯弟成材庭下出擬王之榦王母  
温清可託大人饋饈有加長女譜繡鴛鴦女塾師  
時稱班媪兩兒韻協風雅男教授又屬謝姬嘗使  
畫眉語影之心日逐麤桂煮珠之隊故園鹿候人  
籠禽喚客蠹封昔日芸蟲蝕當年錦瑟先生不  
賦大刀其在是也妾聞之梭中織字感而言歸恨  
裏奇吟愧而解渴西風動葦蘆於張翰玉關乞酒  
泉於班超異世同轍相思并驅竊謂山右之地處  
詐晉之遺烈鄰西戎之競風郡縣緣山作國民人  
耕石成田錦繪珠玉既仰給乎江南山川風俗誠  
易趨乎漠北丈夫好氣任俠女子獻媚取容少涉  
歲荒即起揭竿斬木久遇國難必致分土裂疆雖  
酒家胡時堪墟頭醉色而闕氏地恆憂馬上治兵  
先生第知一時之處堂甯念百川之決野獨不憶  
犧繡蔡諸宗廟其終也與免豕同鸚惟玩諸宮房  
其存也借桎梏等將桑蓬天地之心為塵草鷗沙

之寄哉先生居恆每詩癖賀囊字破雲徑一日不  
嘔肝午夜不息榻羈臣海外正足成騷流寓嶺南  
差堪作賦何賓鴻歸自塞北不得繫帛琳瑯青鳥  
翔本池西僅存書函煙墨甯非席上之製薦諸旗  
亭客裏之搆噪諸樂部耶一歲之司令已見青帝  
謝權期年之旅遊仁望德星載轂拂此綠陰之牀  
拭此蕉紋之簟曬此鉛痕之書煖此博山之鼎眺  
紫氣於西來占浮槎於南至女篋敗葉讀我蛩吟  
客裝新編徵君峽外荷片言之符家夢庶異地之  
想同時子女喁喁家人嘖嘖興言及此情也何如  
詩鈔 滄州

某妻何氏名瑤玉金陵人夫名佚氏工詩詞王國

鈞選其詩著之集上同

張文炳繼妻沈氏幼聰慧通經史年十七歸張動  
必循禮文炳官廣東參政北上氏留粵知有大獄

即日治裝歸文炳得免吏議時以為智性好善戚屬有緩急脫簪珥助之無吝色文炳歿時前室子

延緒方十齡氏親教讀延緒妻劉氏以孝著前志參滄

州詩鈔

舉人左方燾妻張氏延緒長女名貞範晚號堅樸

幼讀書慕陶靖節之為人顏所居室曰靜寄齋及

笄歸左始學為詩孝事舅姑佐夫盡職滄州詩鈔云張宜人

性高潔喜讀書垂髫從父授書通曉大意稍長讀

老萊按輿婦傳驚歎曰世固有若而人真可高山

景行矣能自鐫小印畫仿倪迂獨不作詩謂非女子所宜及于歸方定齋有句云掃室焚香寂坐餘

幾年亭館樂閒居於今更得同心侶五夜挑燈伴著書乃選王孟諸家詩數百首手錄讀之始相唱

和而德性益歸純粹晚年尤愛靜終日閉目默坐閒為小詩似頌似偈不復存稿 州志

訓導祝純琮妻吳氏烈婦曹氏嫂也閨名端淑字

秀姬聰慧工詩著有月窗詩草榕花閣詩草女韞

慧字鈺章適廣平諸生呂爾爽亦以詩名滄州詩鈔

庠生吳茂椿妻張氏南皮進士張慶長女性端淑

事舅姑克盡婦職鍼繡之餘不廢吟咏顏所居曰

繡相齋所著詩集曰繡相齋詩草

劉思銘妻李氏名蓮芳字純卿鹽山貢生金芝女

庠生孫德有繼妻陳氏名玉秀字德華錢塘諸生

芳綬女均能詩李著有聽雲樓詩草陳著有南樓

列女  
三  
小草清韻閣詩草同

沔陽知州葉治繼妻王氏性明決曉大義治宰鄖

縣時教匪滋事氏儲死具謂治曰脫有不虞不令

君獨死也悉出所有賞士皆願効死城賴以全州志

貢生葉伯儉妻全氏名淡真字菊如涿州全材女

聰慧工詩著有曉香閣存稿氏早寡守節子圭書

圭綬均舉人圭書妻李氏名繡英能文工書亦以

詩名滄州詩鈔全宜人早寡教諸子嚴明有法次

子圭書以祖廕為縣令宜人令謁選勛之

日縣令不易為非讀書明理何以膺民社晚年以

家政付子婦日手一編吟詠不輟詩筆雅秀天成

無煙火氣繡英為江西鹽運判宗湖女于歸後

未幾即故字體清瘦索其遺詩僅得二首云圭

書繼妻張氏性寬厚相夫盡職圭書按察山東時

多得資助

監生左善洵妻李氏任邱翰林院侍讀學士中簡

女以能詩稱著有麗景樓詩草傳於世俱同上

南皮縣

舉人張元來聘妻慕容氏山東翰林院編修幹女

性敏嗜學刺繡而外日事翰墨喜吟咏長許字元

來既舉於鄉病瘵不起女聞之欲以身殉以父無

子恐滋戚而止久聞有論婚者遂投繯死作絕命

詞四章見志詩云祈招興詠幸三思叔世陵夷亦

可悲門戶已分閩蜀洛坡公端不合時宜伯道無  
 兒真恨事中郎有女劇堪憐淮陰易幟原良策急  
 為相攸慰九泉拋卻塵緣俗累分獨憐白首自辛  
 勤此心難使幽冥問泉下還將望白雲泡影空花  
 廿八年庭闈別處轉淒然聰明根蒂如留得不向  
 他生再種緣縣志  
 劉某女名煥幼失父母依祖母路氏賣髻為生路  
 有女適侯素悍惡與鄰嫗于無賴子霍合謀矯路  
 命賣女與某為妾母不察使來迎人知其詐蜚語  
 四起女密縫衣袴持刀出投井死路鳴之官于霍

俱斃於獄旌女之門嘉慶二十五年七月事按滄州志

有劉宦姑投井事亦畧同宦煥音同疑即此姑兩存之同上以上烈女

張之澄聘妻崔氏慶雲崔光笏女性貞靜年十五  
 之澄卒女聞訃欲奔喪舉家勸阻未幾媒灼至女

晝夜哭泣抑鬱成疾卒張族迎柩合葬采訪冊

徐某聘妻張氏名采之洞妹性至孝母病嘗割臂  
 肉醫之幼許字徐未婚而徐故女矢志不二守節

終身同上以貞女

湯橋妻穆氏年二十撫孤守節事姑艱苦備嘗姑  
 歿哭之喪明縣志不數日亦卒舊通志順治十八年旌

前志

潘國良妻李氏舅姑葬期不戒於火與子方園妻趙氏皆痛哭撫棺不忍去同被焚死人稱雙孝婦

云縣志

張丕昌妻侯氏年二十七夫亡無子事姑以孝姑性嚴奉之愈謹姑卧牀經年未嘗須臾離夜恆目不交睫姑為感泣闔邑稱之

舉人尹天爵繼室邢氏夫以家貧館遠鄉姑年七旬餘邢氏晝勤紡績夜侍姑寢充僕婢職姑病篤思食生魚購於市弗得躬自取諸母家戴星而出

日暮已歸往返百餘里而魚猶生熟而進之姑病頓減每歸甯必三五日遣人一詢起居動靜時值宣惠河水漲溢道路阻隔仍不時遣人饋進果肉及姑病篤執其手對眾泣曰此婦孝吾無以報願汝婦如吾婦也至今里黨勸孝者每以邢為法俱同

以上孝婦

庠生張裕慧妻王氏交河人年二十歸張克修婦職乾隆元年裕慧病篤王潛禱割股療之不起家人察其志防之嚴王佯為不死狀家人信之不復

防踰月自經死年二十有五是年旌河間紀昀記張烈婦事南

皮縣張浮槎名景運即著秋坪新語者有一子早  
亡其婦縊以殉縊壁上其子小像高尺餘眉目  
如生其迹似畫非畫似墨非墨婦固不解畫又無  
人能為追寫且寢室亦非人所能到是時親黨畢  
集均莫測所自來張氏紀氏為世姻紀氏之女適  
張者數十人張氏之女適紀者亦數十人眾目同  
觀咸詫為異余謂此烈婦精誠之至極不為異也  
蓋神之所注氣即聚焉氣之所聚神亦凝焉神氣  
凝聚像即生焉象之神氣應乎彼兩相翕合遂結  
動乎此亡者之神氣應乎此則金石為開也浮槎錄  
故曰緣心生象又曰至誠則金石為開也浮槎錄  
其事迹徵士大夫之歌咏余擬為一詩而其理精  
微筆力不足以闡發凡易數稿皆不自慚至今耿  
耿於心姑錄於此以昭幽明之感詩則期諸異日  
焉灤陽消夏錄張景運哭亡媳詩佳兒佳婦  
五年中隔月人驚一旦空痛失所天甘並命憂埋  
無地慰而翁俗情任說賢之過防患休言術未工  
為恨同生不同死故彌缺憾傲天公割臂猶然  
未合創不教破鏡更留光一雙新樗千秋恨三尺  
柔緡萬古香豈必交枝同小吏翻合獨活笑共姜

可憐就義從容甚剩我哀頽黯自傷不作陶家  
寡鵠吟居然劉氏剪皮金倉皇尚寫夫君面悵望  
空驚夜月心自是人閒斷連理可真地下得同林  
藐孤他日看成立知爾泉臺屬望深津門詩鈔  
王習妻范氏年十九摘豆於野有周氏奴王禿子  
者豔其色挑之氏詈罵不從被害越七年案定置

禿於法建坊旌表

侯珏撰王烈  
婦墓碑記

葉松齡妻劉氏十八歲于歸二十歲夫故姑欲奪  
其志氏矢不再嫁服闋逼嫁愈急氏絕粒八日餓

死縣志以  
上烈婦

何麒麟妻蕭氏生明崇禎癸酉壽一百四歲乾隆  
元年奉

旨給銀建坊賜額曰貞壽之門

據前志補

趙鏊妻張氏年十九夫亡家貧紡績養姑鞠遺腹

子成立守節七十年雍正四年旌

前志

張濟妻殷氏夫亡事兩世孀姑盡職撫二子皆成

立守節四十餘年雍正三年旌

王欽周妻吳氏年二十八夫亡事姑盡孝子嘉言

舉人守節四十年雍正十年旌

俱同上

生員白養淳妻傅氏早寡撫四子一女艱苦備嘗

值兵變四子皆歿終日長號不自存長子作睿婦

劉氏年甫二十指襁褓兒慰之曰白氏有孤尙可

爲也吾必不負姑圈地後貧無立錐姑婦相依劉

益勞苦恆嘔血數升紡績弗輟子學會丙午舉於

鄉學庸魯論皆其口授一門雙節闔邑重之

縣志

張燕嘉妻黃氏進士鉅女嫺禮知書十七歲夫亡

事姑以孝聞苦節六十餘年八十二歲而終鍼指

工巧繡有前後出師表進呈

御覽嘉慶二十五年旌

同上

穆茂春繼妻湯氏年十四于歸未半載夫選授縣

令因前妻子女留湯在家課諸子蜚聲藝苑夫歸

卧病兩載湯藥無懈迨夫亡四子俱死窮苦無依

守節五十餘年有司旌曰瑤池冰雪前志

潘世賢妻王氏于歸八載夫亡嗣子遊蕩忌母治

家嚴與匪人劉三馬子謀乘風竄劫之給母出門

繫驢背疾馳抵劉家逆子逸氏知墜奸謀大罵劉

出覓火氏摸廚刀欲自刎若有人止之者出門有

白衣老嫗引之疾趨倏忽百餘里抵縣天甫明鳴

之官逆子與劉皆遠颺既皆墜水死王守節至七

十餘歲無疾卒逆子兄吞其產官為追還置墓田

以供祭掃邑人潘震乙撰傳 采訪冊

張全懋妻戰氏甯津戰麟書女年十九適張事舅

姑盡職全懋以試禮闈歿於京甫二十九歲家中

落二子俱天立嗣子祖述為後卒年七十有六老

猶勤女紅嘗語人云勤女紅非止禦飢寒也妄念

亦無自起會稽李慈銘撰傳

全懋弟全儒妻姜氏滄州人即戰氏姊也幼以孝

聞事繼母尤謹年十九歸張事姑及夫生母皆盡

職姒戰氏孀守其母依之敬事無失禮舅年八十

二病癱侍藥餌恆晝夜不離側舅卒夫繼亡姑老

病茹素終身姑臨歿執手稱孝者再幼愛經史尤

惜字遇字之廢者必洗滌焚之訓子維嚴待下以

寬子詈僕婦責之曰若輩逮事祖父母吾且敬之

况爾乎咸豐三年粵匪至嘆曰死晚矣未幾滄州

失守其父母皆死之聞信慟哭絕飲食三日卒女

一適同邑尹光炳亦早寡守志以節孝著

會稽李慈銘撰

傳按姜氏與戰氏均於同治三年旌又按順天府忠義局第七十九次請卹冊載張全儒妻姜氏

咸豐三年賊至氏聞警仰藥死

姚某妻某氏于歸未一載夫謀食外出無音耗紡

績養姑盡孝姑死遺夫弟方十歲代撫成立或諷

之嫁媒妁日三至不為動守節三十餘年

李景達繼妻潘氏年二十四夫亡守節孝事翁姑

同治七年賊匪至投井賊過家人救出復蘇撫子

女成立又十年卒

俱同上以上節婦

鹽山縣

薊州教諭劉慶集妻遲氏性最孝一日聞母病故

遂服毒死

采訪冊以上孝女

武舉韓波女字滄州劉國相以諸生應辛酉鄉試

卒於旅邸女聞之潛泣去色服祖母詢之不對父

擬別議婚遂不食或以在家從父諷之女曰我嘗

為劉氏送葬心已歸之矣今若此速我死耳終不

食而死

縣志

張氏女柱姐因遇強暴逼污不從憤恚同父投井死已旌

鄧氏女字許五法年十九未合昏聞夫故自經死鄉里欽其貞烈公請旌表

劉安秦女一姐性端正有姿色一日有惡少年伺其父母出強調之女力拒得免恚極夜雉經死咸豐五年旌表入祠死時十六歲俱同上

童生張駒妻劉氏劉為慶雲巨族幼字張門未及嫁而夫亡父母憐其少微以言諷即哭泣以死誓守父母既歿翁姑迎於家侍奉盡禮晚年多病猶

終日紡績不倦焉繼夫兄子為嗣年六十五歲采訪

冊以  
上貞女

邵潔妻陳氏年十八歸邵六年夫亡守節撫孤姑病篤祈天請代疾為之愈奉夫妹如姑康熙三十

一年卒年五十有九香魚山房集

趙景皋妻李氏景皋明舉人以儒行重於鄉氏性溫淑能得姑歡心于歸時匳田數十畝出為公產不自私子爾孫康熙三十三年成進士官翰林縣志

參韓茲撰趙知安墓誌

庠生劉執中妻吳氏年十七于歸越七年夫歿翁

年耄以家貧勸氏他適不從紡績以養侍奉起居  
手除污穢越十二年翁卒族人感其孝醵金助之  
葬卒年六十有四當事旌其門

韓峯起撰傳

趙麟兆妻張氏夫外出久不歸與姑相依為命竭

力孝養鄰里無閒言姑歿後以己身衣服殮之隨

著敝衣自縊以殉時年二十六歲

縣志

趙慶麟妻曹氏年二十一守節孝事翁姑姑歿哀

毀卒守節三十一年

請旌冊

監生王澤世妻劉氏事姑孝刲股療姑危疾

同上

傅炳辰妻杜氏附生景甫女年十九于歸奉事翁

姑人無閒言翁得噎疾百藥無靈一夕奉湯藥暗

割肉同煎之翁病旋愈而舉家不知也後瘡大發

問之始言年二十二歲卒

采訪冊

武生尹毓祥妻王氏姑寶氏素有癆疾時為誦經

禱祝且割肱肉煎水以奉姑姑病旋愈鄰里宗族

皆欽敬焉二十六歲卒

廩貢生宋棟妻左氏姑患癰疾衣不解帶藥必親

嘗奉養八年之久始終如一鄉黨皆敬重之

俱同上

李錫蕃妻趙氏二十九歲夫亡事親至孝姑病截

指入藥姑病遂愈六十七歲卒

縣志

重刊天津府志 列女 卷四十八  
趙守閑妻劉氏教諭德興之冢婦年十五于歸月  
餘而夫歿守節自矢孝事翁姑姑卒祖姑年近九  
旬甘旨承歡倚氏如左右手年五十歲

廩生王維垣妻張氏二十五歲夫故家貧無子事  
翁姑以孝聞年五十五歲

張朋十妻楊氏交河御史九思孫女庠生春煦女  
二十六歲守志撫夫二弟一妹婚嫁成人翁訓導  
康甯晚年衰病澁溺不覺氏浣洗烘炙七年如一  
日鄉里賢之卒年六十二

劉均妻彭氏生員鳳岐祖母也二十一歲夫故遺

孤甫八月氏泣不欲生絕粒數日翁姑以宗緒泣  
勸之乃意回克盡孝慈家極貧翁歿後值夏月淫  
雨屋漏無可處姑媳抱孤對泣終夜乾隆壬子大  
饑姑病氏侍奉四十餘日目不交睫姑喪盡禮六  
十二歲卒

劉景玉妻張氏二十五歲夫亡家赤貧矢節不移  
衰姑九十餘歲氏晝則營食奉養夜則同被共寢  
苦節終身鄉里重之

李桂茂妻霍氏年十九夫亡未幾翁病危割股和  
藥以進焚香禱天乞延翁壽鄉里咸稱其孝

周廷梁妻王氏二十五歲守志貞靜寡言姑患癱瘓症晝夜事奉十餘年不衰兄弟妯娌相處以和

年七十二歲俱同上以上孝婦

許養元妻孫氏順治六年土賊破城被掠至金鐘

寺欲污之痛罵求死賊怒抽刃洞腹氣絕罵止前志

翟生金妻王氏儻居邵某之屋某窺伺其夫出闖

入逼脅力拒之爪抉某面泣訴於夫欲鳴之官某

謝罪求恕忿恚自經死同上

石在妻馬氏王某調逼怒罵不受辱憤夫懦弱夜

投繯死嘉慶十九年旌縣志

吳柱妻邢氏家赤貧攜二女匄食路遇強暴厲罵之不受污氣忿絕粒死

趙爾良妻楊氏二十一歲夫故無子女惟以鍼黹

養其翁姑矢志不移有人強其他適氣忿自盡

張然妻杜氏處士杜濟南之女夫亡自經以殉

千總李閏繼妻劉氏性激烈識大體年二十歲夫

故已有死志惟以夫及前室未安窀穸且遺子弱

息無依因晝夜辛勤持家十餘載完喪葬撫孤成

立曰吾事畢矣遂自經而卒

儒士韓持會妻周氏二十二歲夫歿守節服闋投

續以殉

劉道章妻張氏十九歲于歸夫亡子女皆無孝事  
翁姑苦節十八年咸豐三年九月粵匪逼近連破  
滄州諸城烽火告警因絕粒而死由禮部請旌俱同

上

廩生張芝芬妻左氏同治七年捻匪入境夫領鄉  
勇禦賊亡於陣時三十歲守節撫一子一女又一  
年其子突於病中言曰父來喚矣遂起出死於門  
外月餘女亦死左以翁姑尚存朝夕奉養不辭辛  
苦光緒十三年翁姑相繼逝遂絕粒死采訪冊

文童李蔭棧妻楊氏于歸未一年夫亡方二十二  
歲誓以身殉在翁姑前孝謹如故入室輒拭淚焚  
香籲天乞速死姑嘗竊見之既而病翁延醫不藥  
亦不食遂卒距夫亡未百日耳請旌冊

劉澹燾妻張氏同治戊辰夫帶團勇與捻匪接戰  
身被重傷卽持刀欲自盡夫止之曰上有慈親下  
有幼女况後嗣未立不可殉小節而昧大體因含  
淚吞聲應曰待二十年後畢兒女事必從君於地  
下也夫遂瞑目斯時年三十一歲迨光緒庚寅臘  
月竟暗中服毒死年五十三歲已旌同上烈婦以

馬甫振妻王氏適馬周歲夫亡姑憐其幼泣勸他

適矢志不移奉事終身康熙閒學使蔣旌其門前志

生員翟欽鄰妻郝氏二十四歲夫亡家貧無依事

姑盡孝嗣子履禧讀書入泮康熙閒學使蔣旌其

門

生員張其光妻鄭氏二十八歲夫亡二子俱幼艱

苦萬狀事姑盡孝教子成人二子先後入庠康熙

閒學使蔣旌其門

李計元妻王氏十七歲夫故生遺腹子既娶而亡

媳改適撫育幼孫貧苦萬分卒以成立八十五歲

卒

生員翟可化繼妻李氏二十七歲夫亡族黨鬪不

可居遂攜子女及前室遺子稷夔依母家為活父

母諷以他適堅不從紡績教子入泮成名乃還故

里年九十卒

路由平妻王氏歲貢律之母三十歲夫亡遺子七

歲諸舅欲奪其志自經幾死以後人無敢言嫁者

壽八十九歲卒

武永泰繼妻何氏三十歲夫亡舅老而鰥撫前子

開基及己生二子肇基振基皆成立孝慈兼盡七

十七歲卒

張九思繼妻王氏三十歲夫亡奉衰姑盡孝視前子斗樞如己出己生子斗極拱極俱幼減米佐讀教子入泮苦節二十餘年族鄰敬之

生員楊于庭妻宗氏二十二歲守節長子芳烈五歲次子續烈二歲上事衰姑兼子職家素貧儉積漸豐己卯邑被兵收養難婦王氏等十餘人裹糧送歸其里會歲饑煮粥以食飢人存活甚眾壽六十九歲無疾而終子芳烈仕縣丞續烈庠生武肇基妻張氏二十二歲夫亡撫遺腹子成名及

前子元輔無異己出元輔入文庠成名入武庠

宋之范妻馬氏己卯之變之范父子被兵同遇害遺二子長二歲次彌月時方二十四歲燈績手縫奉孀母唯謹苦節三十餘年二子成立

生員宋旦妻孟氏二十二歲夫故遺一子一歲夫族勸氏他適矢志弗從紡績自給苦節三十餘年始終不易

朱燦南妻李氏二十三歲守志紡績食貧奉舅姑鞠孤子執婦事三十年如一日

生員崔夢龍繼妻杜氏二十八歲邑被兵與夫同

遇害痛死而蘇矢志不嫁奉姑以老家素封以夫  
弟任俠萬畝立盡曉兒輩曰天也汝叔何尤子晉  
成諸生能詩

舉人田師聖妻李氏夫故祖母楊姑劉俱在幼子  
旭甫離襁褓時年二十七歲矢節不移仰事俯畜  
姑病顛危告天請代姑病遂愈人以爲孝感子庠  
生

王小四妻張氏四出亡張始十九歲生一子不育  
夫有襁褓弟母死乃撫之如子翁涇困於徭役亦  
亡張以幼婦持門戶百苦備嘗卒無悔心兄思敬

欲奪張志張詈之與絕事兩繼姑皆能盡孝

生員劉濟之妻霍氏知縣用行之女己卯邑被兵  
夫死時年二十七歲子女俱無屏鉛華茹素以見  
志奉事夫木主每食必獻至六十三歲如一日  
生員劉沛然妻李氏家罹己卯之變惟氏及姑僅  
存氏年二十二歲事姑盡孝供夫木主朝夕謁拜  
三十餘年如一日

廩生劉芳標妻李氏二十七歲夫故無子側室王  
氏生子仁醇方三歲王亦死撫仁醇如己生後仁  
醇入庠

廩生王文桂妻陳氏二十八歲夫故家貧無子矢志不移苦節三十五年而歿

生員趙吉士妻許氏教授光宇之女二十八歲夫故有七子皆幼茹荼食淡撫子成立孀居三十餘年內外稱之

張廷箴妻德氏二十八歲夫亡子參方三歲母念其年少諷令他適涕泣不從善持家更二十年貲產失去者盡恢復之教子參讀書入庠五十二歲卒

李守儒妻趙氏二十五歲夫亡事姑盡孝教三幼

子兩列士林曰道行道泰壽六十七歲卒

姜炆妻孫氏年二十九夫亡撫育幼子稍得溫飽

而家無長老外侮內訌沓至氏終不改操以壽終

俱同上

張允孚妻劉氏年二十七歲隨夫授徒於外尋死

遺孤蘭生在襁褓姑又老病侍姑抱子多歷艱辛

念窮鄉難得教子地還依夫族分伯氏燈課讀蘭

生補廩生歲大饑人相食典衣易脫粟啖姑與子

茹糠菜充飢姑歿哀毀成疾而終

縣志

生員韓嗣愈妻趙氏三十歲夫故子士謙五歲夫

弟嗣彥四歲失怙恃氏延師教讀並聽親族子弟來學不另責贄兩孤先後入庠及析箸物產聽嗣

彥擇取之不求稱順治五年土賊至拷索財物大

罵賊怒刺殺之三日復蘇壽至八十二歲

前志

張鷟鳴前志作鷟鳴妻王氏二十一歲夫亡上有孀姑

遺子景從尙幼恐姑失望乃叩挽族長向姑前對

天自誓奉姑終身家貧紡績備養三十年甘旨無

缺節孝兩全

生員趙天俊妻會氏二十七歲夫故撫一歲孤銓

事祖姑與姑孝養俱備苦守四十八年以壽終

李芳林妻韓氏二十五歲夫亡生遺腹子國昌家

赤貧備嘗艱苦舅姑皆八十餘氏奉老撫幼苦節

四十餘年

趙明標妻許氏年二十四歲明標殞於兵子址在

襁褓翁姑皆老家奇貧孝親撫孤甘忍飢寒翁歿

竭力營葬晝夜侍衰姑食寢十餘年課子入文庠

苦節終身

劉守正妻張氏二十二歲夫亡遺孤五歲值年歉

寇亂家極貧姑謂之曰幼子有我在汝他適無慮

也泣矢死無他偶有盜入室力拒不受辱被置烈

焰中死良久復蘇後以壽終

韓甲第妻武氏二十九歲而寡赤貧無倚歸母家

自存歷四十餘年矢志不移

李見田妻張氏十八歲夫亡子女俱無矢志守節

孝事舅姑和睦親族鄉黨重之

馬棟妻劉氏二十四歲夫亡遺子志學十歲女六

歲夫長兄欲奪其志時有仲兄在京為人端直乃

攜子女奔訴獲免往返千里母子幾死於途撫子

長成任錦衣衛千戶性剛正治家有條志學旋故

遺孫呈瑞撫教如子年八十八歲卒

趙景契妻韓氏二十五歲夫故生遺腹子爾官性

婉順孝事舅姑歲荒收糠菜以活戚里郡守徐謂

為巾幗偉人子入邑庠

俱同上

生員高銓妻賈氏二十二歲夫亡無子撫夫姪為

嗣苦節三十餘年如一日

縣志

許允達妻游氏二十四歲夫亡遺孤周歲孝姑訓

子備歷飢寒苦節四十餘年

省祭官孟學易妻周氏二十五歲夫故紡績勤苦

教子士秀得補諸生未幾子亡年近八旬與孀媳

劉氏相依劉氏亦矢節終身

王守憲妻潘氏二十九歲夫故子貞志方七歲零  
丁孤苦自持門戶年六十餘歲內外賴之俱同上

生員翟敬止妻徐氏二十六歲夫故孝事舅姑撫  
二孤子皆入庠先是朱冲斗者貸敬止銀三百兩

未償朱被兵死其子請以弟姪為質乃焚券而貫  
之歲歉買女婢數人年豐遣歸不問其值守節四

十餘年前志

韓重華妻王氏二十四歲夫亡遺孤六歲孝事翁

姑嚴以課子六十五歲卒縣志

生員劉澍妻韓氏二十三歲夫故子女皆無撫夫

姪瑜為嗣教訓補諸生

黃建妻某氏遺其姓家貧無子與夫攜二女謀食

於武清年二十八歲夫亡歸嫁次女後復啟其夫

厝負骨歸葬故里老依長女卒於武清俱同上

李化才妻閻氏年十九歸化才家貧氏佐之漸以

豐夫亡持家有法性好施常陰行善訓子孫及族

子貧者皆助之讀庠序科第相踵接及歿族里哀

之會孫念茲同治甲戌成進士今官御史高陽李鴻藻撰

閻孺人傳李太孺人閻氏鹽山人李君化才之妻

化才農且賈以財雄其鄉年四十餘卒太孺人慨

然曰吾子弟無為儒者非所以大其宗也則出家  
財致師里塾教兩孫及其族子弟久之孫靜川映

川皆補縣學生員諸子弟亦頗次於庠序彬彬稱  
士族矣又久之映川之子念茲成進士官刑部主  
事距太孺人之世蓋七十餘年矣而鹽山人士推  
李氏之所由興必曰始太孺人余嘗游天津津故  
多親好鹽山天津屬縣也習聞其耆老言太孺人  
行事勤而不苟儉而不嗇老弱無衣食者振貸之  
必周必至歲或災祲貧者轉徙輒散粟布以定其  
居其敬宗收族保恤井里者今且四世或曰鹽山  
僻小步田不得部弓率意為短長太孺人言吾家  
幸饒買田奈何與貧家爭尺寸之贏以故鬻田太  
孺人家尺步常溢於舊券一日鬻田者欲以侵畔  
訟乃求得部頒五尺步弓丈之畝數轉緇田主大  
慙其長厚多類此事纖碎不悉紀其足徵者噫  
太孺人可謂善處富而好行其德矣其澤及子孫  
宜哉念茲余甲戌所得士故應其請而傳之論曰  
李氏特能用其財耳然既卒而人思慕之且如此  
故曰觀於鄉而知王道之易采訪冊

生員劉陞高妻趙氏孝子恪侯之母也性淑慎二

十八歲守志事翁姑以孝聞撫二孤成立訓導有

方子恪侯力行諸善事移建學宮修葺書院施藥

濟貧等義舉皆母志也嘉慶丁巳旌

縣志

劉元柱妻馬氏二十八歲夫亡家極貧惟偕二孤

捋野菜雜糠粃充飢雖除夕紡績不輟七十三歲

卒

祁天德妻董氏十九歲夫亡撫遺腹一子父母憐

其年少欲嫁之以死自誓終身不入母家七十六

歲卒

范良臣妻李氏二十七歲守志家極貧母家有勸

其他適者剪髮自誓勤儉持家家以稍裕延師教  
孫懋德懋昭皆成立道光十二年歲歉出穀濟貧  
多所全活苦節五十餘年八十七歲卒

張玉衡妻孫氏二十七歲夫歿無子女貧至乞食  
而節不移八十歲卒

趙維鏞妻王氏十九歲夫亡家貧無依母家諷使  
他適終身不歸母家境愈苦志彌堅年至八十餘  
卒

王東山妻汪氏十九歲夫亡家貧無子母家欲奪  
其志投繯自盡力救得蘇苦節終身時年七十八

歲

楊貞吉妻李氏二十八歲夫亡撫孤學孔成立娶  
妻子又亡與孀媳張氏苦節同堅各盡孝慈孫世  
勳入庠李氏七十八卒張氏年六十八

生員趙溪妻姜氏嫁後六月而夫亡年方十七堅  
矢貞節奉翁姑以孝撫前子慈壽八十一歲無疾  
而終

高傑妻孟氏二十五歲而寡撫遺孤九如方四歲  
及為娶妻邵氏二十五歲又寡姑媳相依艱苦共  
嘗孟年八十而卒邵氏年六十一歲一門雙節鄰

里敬之

布政司經歷趙廷琳妾郜氏自二十五歲守志  
生員李草妾楊氏二十二歲守志與嫡女赴縣哭  
訴得以姪純繼嗣純娶張氏亦守節

劉清凱妻楊氏年二十九而寡翁老子幼家甚貧  
撫子同春娶孟氏子又亡撫幼孫成立姑媳同節  
于套妻丁氏二十歲夫亡家赤貧奉姑就養母家  
苦節終身六十九歲卒

邢廷揚妻王氏二十四歲守節孤子生方十九日  
撫孤孝親備嘗艱苦計歷三十餘年後得奇疾子

維翰待疾亦以孝聞

陳守智妻王氏二十三歲夫亡家貧撫孤繼姑與  
嫂諷其改適極受挫折守節彌堅姑終感悟鄉里  
賢之年七十九歲

武生傅長治妾張氏十七歲入傅氏值長治病劇  
二十餘日卽卒甘隨嫡室苦守三十餘年

王存禮妻馬氏二十一歲夫亡撫遺腹子時中成  
立子旣婚亦亡同寡媳張氏一心矢節相愛如母  
女一門雙節鄉里敬之

劉又彰妻張氏二十二歲夫亡無子女夫弟亦卒

遺一男一女尙在襁褓娣氏改適痛夫宗系將絕  
矢志不移撫姪及姪女成立慈如己出八十四歲  
卒

閻丕顯妻王氏年三十而寡奉親撫孤情禮兼至  
夫弟七人各委以家事而課其成公勤率家五世  
同居人丁繁衍五十三歲卒學使曹旌其門

馬大成妻于氏二十三歲守志孝親訓子子維翰  
入郡庠學使金旌其門六十二歲卒維翰妻亦于  
氏二十八歲夫故事姑孝教子慈學使沈旌其門  
八十三歲卒孫九林入邑庠

李某妻王氏趙家莊人二十歲守志七十餘歲卒  
有女好善嗜佛工繪畫養母不嫁十八歲合手焚  
香而化滿室有栴檀氣

福建海澄知縣尹元龍妾楊氏甘肅人二十八歲  
尹卒於任二子祔郊亦歿署中獨攜十二歲幼子  
遙扶三柩跋涉八千里歸家路過泊溝嶺聞地多  
盜賊陰險難過因改男裝貌爲紀綱至嶺羣盜麇  
至勢將大索乃大言曰主人清官囊橐甚窘所載  
者靈柩以外萬民衣傘而已盜嗟嘆而去卒保三  
柩歸里苦節三十餘年卒年五十九歲

袁會龍妻孫氏二十二歲夫亡憐翁姑無依守志以代子職後勸翁納妾生庶子南岳甫三歲翁姑與庶姑俱歿勤儉持家南岳成立以母禮事之苦節四十五年學使王旌其門

廩生劉鵬翻繼妻劉氏二十三歲守志七十五歲卒又劉鵬翻妻王氏二十三歲守志五十七歲卒又劉鵬翼妻宋氏二十四歲守志七十五歲卒乾隆四十九年學使金旌其門曰德門三節

于九齡妻張氏二十四歲守志家貧寒母家勸令他適矢志不移終身不歸甯子永清以孝聞卒年

六十九歲

張彬妻盧氏廩生昌言女年二十二歲夫故族不肖利其產謀奪其志聞變驚駭領一孤抱一孤夜走五十里泣訴母家控於天津道事得寢後二子成元秉元俱成立卒年七十八歲孫進由副貢生官訓導乾隆辛亥請旌後進有女許海豐楊立業爲妻立業少不慧夙染瘋疾親迎之夕昏仆於地父悔爲媒所欺恚而自撾僕媪請改期女曰命也毅然登輿而去立業不能成禮未幾病卒女年二十三嗣叔子以延夫嗣云

李有仁妻孫氏二十歲守節與夫兄有恆妻傅氏  
爲娣姒同繼祖姑陳氏人稱三節

李本愚妻高氏二十九歲守志家甚貧辟糲易食  
以養寡姑娣張氏夫弟本魯妻亦二十七歲守節  
有一子泰來共撫之承雙祧旣而泰來婚後亦亡  
復撫遺孫成立與泰來妻魏氏共矢苦節四世賴  
以不墮高年八十一卒張六十四卒魏年七十歲  
一門三節里人敬之

邊正午妻王氏二十一歲夫故遺子尙在襁褓母  
家憐其貧苦諷之改適氏矢志堅守不入母家者

三十年七十七歲卒學使德旌其門

張祿圖妻王氏二十六歲而寡撫一女無子母家  
勸令他適矢志不移次年生遺腹子苦節終身孝  
事舅姑和娣姒族里賢之卒年五十八歲

張沼妻王氏二十三歲守節孝事翁姑苦節至誠  
會誤入井中自暮至旦不死人皆驚爲神祐卒年  
八十七歲

俱同上

張化龍妻高氏三十歲夫故攜十一歲孤子扶柩  
殯葬翁已八旬餘矣潔供滫瀡能得歡心時以火  
斗熨其被褥歲以爲常迨翁病篤躬侍湯藥衣不

解帶者兼旬歿後盡哀盡禮典衣服簪珥以供喪具里中庠生張輯五見而嘆曰孝爲百行先如高氏者可謂孝義兼全矣生平尤酷慕讀書使子就傅束脩無吝六十四歲卒已旌

張運隆妻霍氏二十歲夫亡上無翁姑終鮮兄弟僅一遺腹子矢志守節窮且益堅終年食糠粃未嘗有求於人親鄰見而憐之一握之粟必再辭而後受及其子成立而猶終日操作不衰每謂人曰吾命如此違命必有大咎吾甯勤勞終焉年七十歲

刁士義妻平氏二十二歲夫歿遺一子方周歲貧乏不能自給又無兄弟或諷以改適怫然曰我卽無嗣猶當奉翁姑終身以慰亡夫之志况龍鍾在堂藐孤在抱吾忍棄之他適乎日以紡績爲業稍有贏餘輒市甘旨以奉親每進食不令其子在側翁姑留以飼孫必再三勸餐而後已迨翁姑歿鄉里助之營葬六十三歲卒

劉石麟妻張氏武強縣訓導肆三女十七歲于歸能得祖姑及翁姑歡心十八歲夫歿生遺腹子又三日殤益堅貞自矢迨翁歿家業凋零夫弟二麟

三麟相繼亡上事繼姑下協娣姒內外無閒言

胡俊妻安氏二十九歲夫故上有衰翁繼姑下有

穉兒幼女族無可依以一身持門戶孝親慈幼二

子成立未幾次子夭亡媳遂他適艱苦備嘗鄰里

惜之年五十六歲

謝召棠妻于氏二十九歲夫故守志事翁姑以孝

聞同治七年捻逆竄擾因姑有勞疾負以避難乞

食忍飢以奉養之一男一女教養兼至撫嫂遺女

恩愛比於所生鄉黨稱賢年六十九歲

文生左保貞妻王氏二十四歲夫亡孝事翁姑撫

遺腹子已十餘歲被巖牆壓死恐翁姑過悲轉自

勸慰強為言笑變出非常猶能以理制情如此時

年三十六歲

千總李佑品妻戴氏夫病篤氏焚香默祝割臂肉

食之病少減復故時二十三歲守節至五十六歲

李明吉妻梁氏二十七歲夫亡母家欲奪其志矢

死靡他因家貧傭工養姑撫二子成立並為娶婦

後長子與次子婦俱亡冢婦他適惟次子遺一孤

女與之食貧茹苦艱辛備嘗年六十六歲

宋立平妻張氏夫亡守節已七十七歲其長子長

重刊三才圖會 列女 李  
發之妻韓氏十九歲孀守無子女亦四十九歲次  
子長文妻傅氏二十歲孀守子幼亦四十三歲一  
門三節鄉里重之

李秉璋妻李氏二十一歲夫亡痛不欲生或有勸  
之他適者厲聲曰姑在堂既無子我安敢有他方  
期終姑餘年教嗣子成立耳姑有疾默禱於神願  
以身代姑尋愈人稱其孝年五十歲

張蓉鏡妻高氏蓉城妻張氏同治七年捻逆入境  
蓉鏡以長子留家事父蓉城入縣營陣亡旋蓉鏡  
亦被賊害高氏張氏同守苦節時皆二十九歲各

撫幼子孝敬翁姑光緒十三年張氏子又死其子  
婦蕭氏亦誓事孀姑之死靡他高氏張氏俱五十  
六歲一門三節鄉里稱之

張榮琛妻高氏榮環妻楊氏同治七年捻逆入境  
榮琛兄弟禦賊殉難時高氏三十歲楊氏二十七  
歲相誓守節楊有子方二歲共撫之艱難度日事  
姑尤孝高氏五十七歲楊氏五十四歲

張訓妻張氏二十九歲夫故守志事七旬孀姑奉  
養無缺家貧紡績作苦姑歿有田四畝盡賣以備  
葬具其後忍飢受寒艱難備歷鄉人或助之薪米

輒不受年六十五歲俱同上  
以上節婦

慶雲縣

韋某女小喜姐性嚴毅不苟訾笑自幼如成人鄉里異之年十三母兄他出嫂氏拾薪圃中女獨處一室同族有惡少豔女色闖室無人冀欲私之女避於廁惡少迫而從女呼聲撼遠近惡少懼逸去比嫂及母兄歸女恨泣不止卻食不食嫂慰之曰幸不為強暴所污庸何傷女勿應兄慰之亦勿應後其母諭之始勉進一溢米母去仍哇之晝夜哭不休竟赴井死時乾隆三年九月初八日有司為

置惡少於法請旌其門前志

朱某女年十七有無賴子挑之不從投繯死道光

二十三年旌縣志以上烈女

孫振甲聘妻王氏未婚夫亡年十八守貞三十餘

年請旌

王大姐廩生王立善長女有至性嫻女箴兼通文藝同治戊辰年十五歲值捻逆之變邑戒嚴欲自盡時藏翦於衣底四月初十日隨祖母逃遇賊脅之勢迫以翦刺賊賊怒甚揮刀亂斫即時昏絕賊去經家人救蘇頭面刀傷四處折二齒時出膿血

經久不愈有求婚矢不嫁祖母老病隨兩親侍湯

藥數年無倦容一家縫紉身任之期以慰父母心

時閱邑志忠義節孝等傳輒稱道其志已可概見

光緒乙亥七月因受風創大痛兼患瘟疫遂於八

月初九日歿年二十二歲同上以

劉昌賢妻王氏一夕獨處鄰人劉二入室戲之峻

拒得脫越日憤恨以弓弦自縊槐樹下前志

宗登鰲妻吳氏年十九夫歿仰藥而死嘉慶九年

知縣柯映伊請旌縣志

解孟熊妻王氏年二十五夫亡投井死請旌冊

陳某妻劉氏武生金榮女死難守備揮女弟也陳

家貧甚女及笄陳客於外从無耗女之家亦貧年

且三十陳母憐之傳語其父俾改字女聞之忿然

曰如有他議吾當自刃事遽止後或以言動之輒

掩耳而走自是無復言改字者父兄俱歿年四十

三猶依母居次年陳歸始完聚事姑甚謹陳不務

正業反虐而出之劉恥無罪見放自經死古葵應梯雲詠

劉烈婦詩秋霜輓物貞莖凋蒲亭惡樹張鳴臬幽

魂慘切啾長宵淒風怨雨聲蕭蕭劉家有女森蘭

君陰陽差錯窮所遭蕩子一出卅載遙鸞書雁幣  
人寂寥榮守蓬門寒颼颼茹荼集夢瞻怙怙年年  
愁倚萱化嬌待壻還如心捲蕉遼陽忽喜回狂鸞  
蘭因絮果榮枝條嬰兒四十過鵲橋薈鹽漱浣辛

勤操桂薪珠米求偏勞笥衣典盡空煩敲青燈潛  
 潛淚盈箱那堪虛雉相喧囂此身舊矢儀兩髦此  
 心不作水上颺如何終風噎連朝豺狼縱目聲咆  
 哮彩鳳反厄於鴟鴞局天脊地徒悲號身歿君能  
 羹湯調九死窮泉等浮泡春桃生花思無慘轉身  
 反為白骨銷冰蠶永斷纏綿絲山中薜蘿劫火燒  
 我來無棟更魁杓聞之惻惻心鬱陶珧華黎綠埋  
 蓬蒿搔首問天青天高吁嗟乎麟有趾鳳有毛劉  
 氏一門忠貞標按氏父殉難故詩  
 末句云然慶雲詩鈔以上烈婦

陳南星繼妻王氏南星明季官鉅鹿訓導兵變死

之氏年二十五扶櫬歸里課子成名邑令為請旌

表前志參縣志

庠生劉化中妻王氏崇禎己卯之變舅與夫皆被  
 難化中有幼弟在襁褓得不死撫之成立守節終

身邑令胡為請旌表同上

將軍陳喜妻宗氏幼歸陳氏孝敬著聞夫病於任  
 籲天乞代迨歿扶櫬歸里荼苦備嘗事孀姑定省  
 問視終身不懈遭喪泣血茹素哀毀骨立邁伯氏  
 之禍株連二子氏冒險奏辯卒白其冤年逾六旬

邑人賢之據前志補

劉長榮妻胡氏生而明慧事繼母維謹年十四歸  
 長榮克修婦職事舅姑先意承志得其歡心長榮  
 隨父之伯父任氏侍姑茹貧操作不少怠長榮歸  
 里病卒氏年二十三以舅姑在勉強視息舅卒姑

卧病二年氏晝夜扶掖不去側子璵娶媳早故撫

幼孫希俞希固相繼入庠道光十三年旌卒年七

十有一崔光第為之傳

縣志

解鳴琴妻劉氏讀書明大義事舅姑以孝稱年十

六夫亡守節五十五年同族解鳴皋妻崔氏亦讀

書解吟咏年二十三夫亡欲從死戚族勸止奉舅

姑守節三十八年均以咸豐年間旌表

同上以節婦

陳寶笏妻李氏閨名雲岑字秋卿奉天人父官河

閒令秋卿淑慧工吟咏著詩若干卷手不釋卷夫

卒家貧人延之為女師

縣志以才婦

卷四十八終

重修天津府志卷四十九

傳十一

列女四

國朝

按天津縣節婦有事蹟者已詳前卷而諸志僅載姓氏者尤多今按年為序其民間續有采訪則附於末餘均仿此

天津縣

生員馮鼎錫妻朱氏順治十四年旌 邢國琦妻

宮氏康熙四十四年旌 韓韶妻汪氏 廩生李

鶴妻邢氏以上康熙五十三年旌 劉慎繼妻郎

氏康熙五十四年旌 于允科妻龐氏 馮加興

妻張氏以上雍正三年旌 監生沈繼元妻徐氏

生員張國紀妻李氏 張廷宣妻申氏 監生

張鳳鳴妻婁氏以上雍正四年旌 王馨芝妻李

氏 邢大成妻張氏 林遷妻沈氏 武廷豫妻

魯氏 監生劉機妻李氏 生員王士英妻胡氏

生員王克家妻周氏 貢生張濤妻王氏 王

極妻于氏 俞天覆妻穆氏以上雍正五年旌

張峒瞻妻林氏 廩生張峒詹妻靳氏 李天生

妻王氏以上雍正八年旌 鴻臚寺序班王應祥

妻鄧氏 靳廷檜妻白氏 靳乾健妻陳氏 李

萃妻張氏 孔衍祚妻王氏以上雍正十一年旌

生員靳家夔妻盧氏 靳麒妻侯氏以上雍正

十三年旌 梁得華妻王氏乾隆三年旌 監生

劉文煥妻李氏 王國泰妻蘇氏 傅珣妻宋氏

以上乾隆六年旌 貞女殷氏 倪世貴妻李氏

以上乾隆七年旌 曾世爵妻吉氏 劉景玉妻

殷氏 劉景陽妻李氏 劉成明妻王氏 劉國

琛妻子氏以上乾隆八年旌 周璋妻章氏乾隆

十二年旌 蘇文錄妻賈氏 倪以端妻王氏以

上乾隆十三年旌 高而恭妻孫氏 高立長妻

李氏以上乾隆十六年旌 賈廷瓚妻宋氏乾隆十七年旌 監生許履中妻王氏 唐樂山妻黃氏 唐裔錄妻袁氏以上乾隆十八年旌 李培元妻裴氏 周岐昌妻劉氏以上乾隆二十三年旌 楊瑞琳妻王氏乾隆二十六年旌 黃國寶妻閻氏 王元杰妻靳氏以上乾隆二十七年旌 王權妻解氏乾隆三十年旌 劉富祥妻閻氏 沈元焜妻程氏以上乾隆三十一年旌 解州妻田氏 高巖妻岳氏 鄭友汲妻武氏以上乾隆三十三年旌 李毓英妻李氏乾隆三十七年

旌 王承緒妻丁氏乾隆三十八年旌 崔裕民妻玉氏 楊溥妻李氏 陳三酉妻董氏 鍾繼作妻李氏以上乾隆四十年旌 沈名揚妻唐氏乾隆四十六年旌 李榮秀妻張氏乾隆四十七年旌 張暘妻解氏乾隆四十八年旌 姚廷詔妻張氏 聞奉望妻許氏以上乾隆四十九年旌 武生李鑑妻楊氏 劉恂妻李氏以上乾隆五十一年旌 李文魁妻張氏乾隆五十三年旌 吏目解良東妻沈氏 王舒妻劉氏 單文錦妻趙氏 監生劉友益妻梁氏以上乾隆五十四年

旌 靳世法妻劉氏 陳文炳妻周氏 陳立妻  
 李氏以上乾隆五十五年旌 王嵩妻侯氏 魏  
 璞妻郝氏 郝剛妻鄭氏 郝廷瑜妻呂氏以上  
 乾隆五十六年旌 郭理志妻陳氏 傅有仁妻  
 徐氏 徐寶甯妻翟氏 繆承恩妻王氏以上乾  
 隆五十七年旌 李汝嶠妻胡氏 郭應第妻郝  
 氏 郭鏞妻徐氏 張四謙妻徐氏 李塏妻王  
 氏 曹世佩妻柴氏 陶宏淑妻師氏 楊汾妻  
 谷氏 張有名妻邢氏以上乾隆五十八年旌  
 張有恭妻馮氏 王塚妻吳氏 黃惇妻馮氏

鄭必濟妻蕭氏 李永翕妻趙氏 劉湧煜妻趙  
 氏 劉德妻張氏 柴宏勳妻魯氏以上乾隆五  
 十九年旌 齊旺興妻羅氏 于相妻郭氏 華  
 芝妻徐氏 楊漣妻齊氏 邊三益妻張氏 李  
 述妻王氏以上乾隆六十年旌 李勇甯妻劉氏  
 王芝姚妻俞氏 姜鐸妻許氏以上嘉慶元年  
 旌 田福妻蘇氏 張吉仁妻李氏 畢浩妻范  
 氏 趙龍光妻王氏 蕭經妻穆氏 田德運妻  
 鄭氏以上嘉慶二年旌 顧守富妻吳氏嘉慶三  
 年旌 王紀妻楊氏 楊瑞圖妻劉氏以上嘉慶

四年旌 張可遠妻章氏 俞本妻張氏 侯國

楨妻吉氏 王德孚妻汪氏 孟永烈妻張氏

符景灝妻趙氏以上嘉慶五年旌 邵梁妻王氏

嘉慶六年旌 陳九思妻張氏 沈元慶妻樂氏

施煥妻張氏 諸廷標妻劉氏以上嘉慶七年

旌 生員蕭啟昌妻張氏 魏兆鯨妻蔡氏 侯

言妻郝氏 張植元妻姜氏 金寶妻呂氏以上

嘉慶八年旌 竇元會妻董氏 竇永麟妻趙氏

趙世紳妻王氏 黃世忠妻崔氏 西仲祥妻

許氏 查克紹妻金氏以上嘉慶九年旌 李文

魁妻張氏 潘繩之妻汪氏 徐之佺妻丁氏

沈雲俊妻王氏以上嘉慶十年旌 王甲繼妻汪

氏 張樹妻路氏 邵煥妻王氏 張明信妻毛

氏 李廷文妻劉氏 孟永位妻邢氏以上嘉慶

十一年旌 徐立達妻張氏 靳鶴齡妻王氏

鄭瑞妻趙氏以上嘉慶十二年旌 傅毓麟妻李

氏 顧彌妻吳氏 高希仲妻子氏 高文定妻

牛氏 龍筠妻阮氏 邵華淳妻霍氏以上嘉慶

十三年旌 王福寬妻陳氏 沈家相妻邵氏

沈錫光妻趙氏 楊繼雲妻谷氏 段成德妻劉

氏 段成式妻景氏 段秉義妻龔氏 侯漢妻  
 閻氏 王自成妻李氏 張恆妻蓋氏以上嘉慶  
 十四年旌 張雙奎妻穆氏 乾天德妻馬氏以  
 上嘉慶十五年旌 閻禧治妻于氏嘉慶十六年  
 旌 張樾妻趙氏 王得祿妻焦氏 徐士得妻  
 張氏以上嘉慶十七年旌 曹振清妻高氏嘉慶  
 十八年旌 丁文龍妻謝氏 陸禹昌妻唐氏  
 蔡雲鵬妻李氏以上嘉慶十九年旌 靳雄巒妻  
 王氏 趙大慶妻祁氏 孫念祖妻吳氏 潘世  
 英妻朱氏以上嘉慶二十年旌 劉錦妻王氏嘉

慶二十一年旌 楊秉恆妻張氏 劉浩然妻段  
 氏以上嘉慶二十二年旌 孫杰士妻張氏 高  
 緒妻季氏 呂文龍妻鄭氏 葉永譽妻許氏  
 孫有諒妻韓氏 高嗣昌妻楊氏以上嘉慶二十  
 三年旌 卜觀光妻何氏 宋德成妻金氏 楊  
 廣陵妻趙氏 宋世盛妻郭氏 陳德妻曾氏  
 潘廷貴妻張氏 郭希蓋妻王氏 王鈺妻鄭氏  
 任錡妻李氏 萬永春妻徐氏 梅龍圖妻侯  
 氏 王永慶妻劉氏 鄧玉妻羅氏以上嘉慶二  
 十四年旌 靳崇蓮妻崔氏 張師範妻黃氏

馬應鳳妻李氏	朱溶妻宋氏以上嘉慶二十五
年旌	趙廣生妻梁氏
李兆熊妻路氏	宮金
妻馮氏	邵文煜妻王氏
王愷妻趙氏	趙威
妻周氏	沈煥妻劉氏以上道光元年旌
李模	妻曹氏
朱士友妻林氏	朱友德妻楊氏
田	需妻朱氏
孫人驥妻劉氏	樊宗浩妻陳氏
王永平妻張氏	崔永年妻楊氏
王者蘭妻顧	氏
周維傑妻信氏	王士信妻路氏
楊升階	妻孟氏
陳裕後妻張氏以上道光二年旌	孫
鳳翔妻王氏	劉洪錫妻李氏
楊世昌妻趙氏	

殷秉鎮妻劉氏	姜永祥妻丁氏	郭錦妻張
氏	張思訥妻葉氏	邵彤妻宋氏以上道光三
年旌	韓允望妻烈婦董氏	竇合元妻劉氏
梁太合妻劉氏	蘇煜妻田氏	毛凌皋妻烈婦
朱氏	何文通妻于氏	余文煥妻趙氏以上道
光四年旌	王國瑞妻烈婦張氏	于墉妻李氏
于維琛妻烈婦劉氏	任恕妻趙氏以上道光	五年旌
劉英妻齊氏	劉繼祚妻姚氏	柴鐸
妻孫氏	余士斌妻陳氏	劉明妻姚氏
王禹	勤妻高氏	王模妻楊氏以上道光六年旌
楊		

獻廷妻陳氏 閻成妻楊氏 沈元龍妻王氏

沙應斌妻趙氏 張文盛妻何氏 米兆周妻劉

氏 畢中桂妻梁氏 沈元麟妻郭氏以上道光

七年旌 劉好年妻張氏 柴汝昇妻李氏 項

寬妻李氏 宋文雄妻陸氏 朱光觀妻查氏

苗富春妻王氏以上道光八年旌 孟洗妻徐氏

陳永安妻韋氏 趙卓然妻邢氏 崔林妻趙

氏 曹貽慶妻丁氏 郭連奎妻張氏 陳企盛

妻張氏 王恩紘妻趙氏 劉鈺妻馬氏 韓瑞

妻朱氏 陳世桂妻王氏 史積熒妻江氏以上

道光九年旌 王緒聲妻張氏 華國妻金氏

路成妻張氏 汪秉恭妻謝氏 張興祖妻王氏

李玘妻王氏 陳恩印妻李氏 宋恩鐸妻湯

氏以上道光十年旌 徐秋田妻張氏 宋文鳳

聘室貞女丁氏 高文玉妻邵氏 梅逢安妻趙

氏 俞昌期妻邵氏 劉安妻張氏以上道光十

一年旌 劉肇瑞妻路氏 沈杰妻胡氏 王蓋

臣妻呂氏 徐之炳妻李氏 徐焮妻李氏以上

道光十二年旌 楊紹庭妾烈婦吳氏 宋連城

妻張氏 喬與京妻徐氏 李福祿妻潘氏以上

道光十三年旌 張宏節妻劉氏 宋德慶妻侯  
 氏 劉長齡妻柴氏 朱永年妻王氏 張延齡  
 妻張氏 李煦培妻齊氏 張志興妻馬氏以上  
 道光十四年旌 盧景奕妻張氏 李聖裔妻柴  
 氏 朱昉妻靳氏 安富妻鄭氏 宋某妻劉氏  
 董佩妻倪氏 沈大經妻陳氏 劉元良妻吉  
 氏以上道光十五年旌 吳彬聘室貞女史氏  
 張廷蘭妻梁氏 李長清妻張氏以上道光十七  
 年旌 郭城妻劉氏道光十八年旌 姜永泰妻  
 王氏道光十九年旌 王斫妻章氏 姚衡泰妻

田氏以上道光二十年旌 王朝柱妻張氏 王  
 書田妻烈婦魯氏 張榮陞妻周氏以上道光二  
 十二年旌 周溥妻張氏 段鶴年妻劉氏 張  
 人利妻劉氏 宋瑞妻張氏以上道光二十三年  
 旌 董學孟妻侯氏 胡聯貴妻朱氏 李嘉樂  
 妻靳氏以上道光二十四年旌 任秉愚妻李氏  
 任以鞠妻李氏 陳溥妻柴氏 閻秉謙妻傅  
 氏以上道光二十五年旌 王震妻郭氏 張德  
 瑞妻乾氏以上道光二十六年旌 黃道坦妻高  
 氏道光二十八年旌 尹光祖妻張氏 邢成德

妻柴氏 姜恩慶妻楊氏 田森妻陳氏 甯兌

妻邢氏 陳自福繼妻李氏以上道光二十九年

旌 王景福妻張氏 田書妻單氏 馮有蘭妻

趙氏 王際堯妻谷氏 陳翊妻張氏 伍來亭

妻李氏以上道光三十年旌 高陟玖妻劉氏

劉天貴妻陳氏 趙發妻翁氏以上咸豐元年旌

張敬修妻趙氏咸豐二年旌 鄭松林妻賈氏

咸豐三年旌 李文妻程氏 于震吉妻孫氏以

上咸豐四年旌 于泰吉妻余氏 陳廣德妻郭

氏以上咸豐五年旌 張錫元妻姚氏 劉忠明

妻郭氏 王恩泰妻楊氏 董元詩妻華氏以上

咸豐六年旌 宋鴻圖妻朱氏 郭連翔妻潘氏

以上咸豐七年旌 孫開第妻高氏 周暄妻李

氏 闕權妻高氏以上咸豐八年旌 丁安甫妻

靳氏 田克勤妻王氏以上咸豐九年旌 李文

燾妻杜氏 章兆蘭妻孟氏以上咸豐十年旌

嚴道尊妻王氏 王敬泰妻劉氏 雷春雨妻李

氏以上咸豐十一年旌 賈魁妻趙氏 闕樾妻

陳氏 張允文妻馮氏 鄭士英妻沈氏 王鳳

翥妻華氏以上同治元年旌 卞樹棠妻趙氏

李萬祐妻郭氏 饒樹華妻華氏以上同治二年  
 旌 郭臨泰妻趙氏 繆共權妻劉氏 吳肇棟  
 妻劉氏 繆溶妻王氏 鄭元成妻子氏 郭連  
 城妻賀氏以上同治三年旌 王家齊妻張氏  
 陳守箴妻范氏 李文燦妻劉氏 陳守基妻汪  
 氏 朱光顯妻高氏 沈元善妻張氏 劉祥妻  
 張氏 劉丹陞妾楊氏 盧起勛妾姜氏以上同  
 治四年旌 畢勳妻孫氏 杜榮光妻華氏以上  
 同治五年旌 吳士讓妻烈婦盧氏 張大連妻  
 閻氏 金厚增妻葉氏 王有慶妻程氏 張大

洪妻某氏 張廷傑妻劉氏 沈文善妻張氏以  
 上同治六年旌 李德升妻張氏同治七年旌以

均見  
縣志

倪永端妻王氏 王家慶妻劉氏 張瑾妻張氏

高際昌妻褚氏 邵樂妻王氏 裴平嘉妻張

氏 查泳妻李氏 陳玉妻李氏 孫士毅妻吳

氏 陳鸞妻金氏 褚元壽妻侯氏 陳廷妻江

氏 梁士湜妻靳氏 楊藩妻孟氏 孫寶甯妻

白氏 一作翟 靳家夔妻盧氏 潘可亭妻朱氏

張九苞妻王氏 黃元植妻王氏 賈雲升妻張

氏 王敬太妻劉氏 劉秉常妻蔣氏 郭永太

妻高氏 楊瑚繼妻湯氏 趙之中妻丁氏 楊

國亮妻鄭氏 杜興基妻安氏 許文麟妻金氏

張永敬妻章氏 宋天錫妻王氏 楊永牲妻

劉氏 汪德運妻鄭氏 韓理妻張氏 張正桐

妻梁氏 趙立誥妻徐氏 趙珣妻傅氏 一作妾

王廷棟妻張氏 邢國琦妻宮氏 陸四澤妻王

氏 楊志祖妻何氏 郭執政妻范氏 劉國棟

妻張氏 李寓妻邢氏 劉聞遠妻許氏 趙國

瑛妻賈氏 楊捷元妻李氏 李天生妻王氏

王銘新妻張氏 王琦妻劉氏 蔣世義妻張氏

李永甯妻劉氏 馬德從妻章氏 崔琳元妻

趙氏 劉煥炎妻李氏 吳國政妻王氏 王敬

祖妻譚氏 李憲圖妻靳氏 劉庠瑞妻路氏

梁得華妻王氏 王允祖妻龐氏 徐著元妻牛

氏 劉亦山妻蘇氏 劉天太妻周氏 一作妾 周

璋妻韓氏 王永吉妻孫氏 張澍元妻路氏

李希士妻張氏 沈至誠妻俞氏 郭樹妻寶氏

母槐妻唐氏 劉吉祥妻臺氏 宋某妻張氏

李氏 殷氏以上已旌無年者 縣志

姜士賢妻趙氏 陳培妻胡氏 華長熙妻劉氏

田寶成妻李氏 曹桂林妻楊氏 沈至剛妻

阮氏 沈文妻王氏以上同治八年旌 張恂妻

馬氏 遊擊馮恩綬妾周氏 張國平妻顏氏以

上同治九年旌 王作賓妻張氏 羅本妻徐氏

劉寬妻徐氏 楊毓榮妻鍾氏以上同治十二

年旌 王肇莖妻陳氏 王家通妻李氏 董夢

塘妻宋氏 王士晉妻高氏 王家振妻楊氏

王純隆妻韓氏 韓登俊妻鄭氏 穆文元妻王

氏以上光緒二年旌 楊基妻吉氏 張恩元妻

費氏 楊華妻薛氏 王仁妻陳氏 張雲書妻

徐氏 劉仲春妻趙氏 任以巽妻王氏 孫觀

堯妻楊氏 曹蔭華妻周氏 武文光妻竇氏

金洪妻周氏 張德善妻元氏 劉壽妻王氏

胡承緒妻沈氏 李鐸妻蔡氏 婁步蟾妻毛氏

宮士奇妻馬氏 丁銳妻高氏 郭長忻妻王

氏 甄繼昌妻柴氏 魏長庚妻時氏 樊兆喜

妻傅氏 李文秀妻周氏 楊發妻趙氏 劉鳳

崗妻柳氏 楊錫鎧妻田氏 侍衛李應辰妻馬

氏 職員劉燾妻王氏 榮澤尉殷健中妾劉氏

張長泰妻孟氏 訓導張以誠妻盧氏 張自立妻桂氏以上光緒二年旌 王起祥妻劉氏光緒三年旌 王鴻磐妾趙氏 李樹勳妻何氏 徐汝梅妻楊氏 監生張維藩妻王氏以上光緒四年旌 王占麟妻劉氏 郭祥妻王氏 徐天福妻何氏 韓渭妻王氏 韓法妻于氏 楊蔭卿妻劉氏 劉金玉妻鄭氏 吉繼寬妻米氏 張煦妻劉氏 賈奎元妻陳氏 薛榮妻門氏 范光宗妻譚氏 吳執中妻杜氏 吳履中妻王氏 樊允中妻薛氏 段準妻楊氏 元恩增妻

苗氏 陳守初繼妻章氏 姜大士妻張氏 文大偉妻吳氏 姚學崇妻徐氏 宋世廉妻高氏 高鵬翮妻張氏 王積善繼妻李氏 田大年妻王氏 李威妻孟氏 王家受妻陳氏 續足義妻李氏 馮鴻儒妻周氏 張國亭妻郭氏 張清波妾盧氏 宋裕隆妻李氏 董其新妻宋氏 孟德輔妻李氏 鄧澧妻周氏 汪廷焯繼妻楊氏 趙榮妻張氏 馮廣亭妻周氏 范美芝妻陳氏 王愛山妻高氏 賀璞妻陳氏 金紹第妻王氏 王輝存妻張氏 宋毓蕙妻賀氏

重刊元澤所元一  
邱萬興妻李氏 丁元世妻張氏 孟則潤妻  
善氏 劉光裕妻許氏 姜智川妻范氏 王有  
桂妻牛氏 王有林妻鄒氏 元奎書妻劉氏  
周遙駿妻孟氏 吳恩魁妻劉氏 于恩蒂妻張  
氏 李應辰妻馬氏 張文炳妻宋氏 李毓桂  
妻徐氏 宋漢妻孫氏 李德瑛妻殷氏 趙蔭  
堂妻梅氏 翁鏗妻胡氏 石玉田妻劉氏 倪  
參妻趙氏 趙永祥妻田氏 張家珍妻周氏  
梁尙三妻鍾氏 段思白妻曹氏 段守富妻陳  
氏 周秉鋼繼妻劉氏 李毓芬妻趙氏 沈治

安妻楊氏 高萬清妻周氏 趙大來妻王氏  
孫穎妻于氏 季永佩妻王氏 謝魁文妻周氏  
楊蓮卿妻周氏 張菊衣妻華氏 趙治平妻  
何氏 崔廷芳妻李氏 董仁旺妻王氏 劉振  
韓妻李氏 高佐臣妻韓氏 牛福增妻于氏  
劉春和妻宋氏 李存妻王氏 陳維垣妻宋氏  
王松棟妻宋氏 田有貞妻郭氏 孫嘉世妻  
王氏 柴汝枚妻劉氏 蔡廷桂妻趙氏 張元  
慶妻穆氏 王治妻劉氏 王楨妻李氏 余作  
孚妻黃氏 劉光甲妻子氏 鄭桂名妻劉氏

王寬妻劉氏 王桐妻吉氏 陳瑞廷妻孟氏

李是楨妻劉氏 許紹椿妻王氏 張晴波妻呂

氏以上光緒四年旌 張文炳妻宋氏 張家珍

妻周氏 監生高學海妻陳氏 職員張宗雨妻

靳氏以上光緒六年旌 張自有妻劉氏 趙之

鍾妻王氏 張復言妻翁氏 陳壽田妻徐氏

陳恩鴻妻李氏 武履瀛妻金氏 鍾吉士妻張

氏 邵家銘妻王氏 靳裕昌妻張氏 邵宗賢

妻胡氏 徐鳳召妻張氏 華廷相妻章氏 華

長蔭妻王氏 華毓奇妻唐氏 華琮妻趙氏

顧文鎔妻王氏 唐銓妻馬氏 劉廷璋妻唐氏

趙有功妻張氏 姜鐸妻子氏 王鈺妻王氏

李玉春妻朱氏 張順妻鄭氏 趙紀昌妻饒

氏 王清菴妻甘氏 沈積厚妻來氏 王道五

妻朱氏 王慧珠妻侯氏 高永泰妻董氏 沈

恩有妻廖氏 張有慶妻龐氏 宋永吉妻任氏

宋蕓繼妻梁氏 胡漢英妻尹氏 王文德妻

李氏 劉明妻高氏 王文官妻路氏 繆松齡

妻孫氏 俞昌平妻商氏 馮永泰妻顧氏 吳

士愷妻李氏 喬書年妻陳氏 余永吉繼妻王

氏 張德裕妻邢氏 毛鴻業妻鍾氏 陳善妻  
 張氏 湯宏禮妻褚氏 靳廷相妻陳氏 劉萬  
 春妻韓氏 朱起明妻劉氏 李長德妻孫氏  
 時有慶妻王氏 李璋妻劉氏 吉兆祥妻董氏  
 邢人祥妻魏氏 賈奎章妻孟氏 馬培厚妻  
 寇氏 黃銘妻劉氏 沙呈瑞妻劉氏 沈元慶  
 妻郭氏 雲兆祥妻房氏 楊向華妻黃氏 翟  
 玉亭妻吳氏 劉天成妻楊氏 張廷昇妻單氏  
 高成祥妻邢氏 何信顏妻李氏 張永福妻  
 陳氏 陳光瑞妻屈氏 張元福妻喬氏 陳義

太妻伊氏 沈銓妻張氏 周廷錫妻侯氏 周  
 維珍妻趙氏 張錦妻陶氏 孫士琛妻王氏  
 米元興妻張氏 華長志妻陳氏 劉治邦妻郝  
 氏 張允成妻黃氏 王義豐妻馬氏 羅裕樸  
 妻胡氏 張國泰妻曾氏 王德芳妻黃氏 周  
 景堂妻黃氏 秦淮浩妻劉氏 殷家善妻郭氏  
 劉大年妻王氏 顧遐齡妻高氏 夏永泰妻  
 李氏泰一作安 邵邦治妻王氏 董長榮妻朱氏  
 陳其昌妾羅氏 李鶴妻劉氏 陳永慶妻辛氏  
 柴宗蔭妻郭氏 尹兆熊妻鄧氏 宋湘亭妻

賀氏	徐立純妻楊氏	楊湧妻王氏	張浩妻
龐氏	張文泰妻孫氏	陶元純妻胡氏	劉濤
妻王氏	孫達興妻王氏	吳啟賢妻顏氏	鄭
士榮妻楊氏	華長蔚妻馬氏	李奎妻燕氏	
王世昌妻許氏	趙廷榮妻郝氏	劉嗣向妻王	
氏	張大英妻王氏	溫書田妻朱氏	姚文玉
妻邢氏	王斌妻褚氏	趙恩澄妻張氏	朱光
和妻李氏	楊培妻隋氏	安克嚴妻高氏	高
鳳祖妻宋氏	趙有年妻劉氏	吳廷浩妻張氏	
牛汝達妻葉氏	楊斌妻展氏	胡士英妻楊	

氏	王肇莖妻陳氏	王漢騫妻盧氏	于永年
妻周氏	張德興妻孫氏	何義文妻陸氏	趙
大文妻燕氏	高士沂妻臧氏	孫補曾妻杜氏	
高偕望妻宋氏	朱琨妻王氏	馬佩枝妻韓	
氏	郭萬成妻夏氏	王春田妻凌氏	石鳳桐
妻劉氏	楊紳妻焦氏	王兆慶妻宋氏	楊富
泰妻曾氏	張士賢妻高氏	張靖妻劉氏	劉
安繼妻郝氏	李文郁妻張氏	侯天祥妻子氏	
許榜妻蕭氏	甯寶樹妻趙氏	張桂榮妻劉	
氏	倪紹寬妻常氏	賈奎光妻劉氏	趙登瀛

妻葉氏 元課妻秦氏 楊思彤妻李氏 張勇  
妻龐氏 趙虎妻高氏 蘇祥妻劉氏 李安太  
妻季氏 胡兆奎妻沈氏 楊中信妻馬氏 何  
厚田妻龔氏 王成章妻盧氏 吳家有妻盧氏  
李玉堂妻柳氏 張思承妻蕭氏 鄭金璽妻  
李氏 王繼忠妻劉氏 李桐妻張氏以上光緒  
六年旌 監生董照妻陳氏 蕭勳蔭妻高氏  
王瑞妻段氏 文童張玉山妻劉氏 賈壑妻金  
氏 張行仁妻魏氏 柴肇亨妻張氏 監生楊  
兆堂妻孫氏 王林妻鄧氏 官學生華長新妻

朱氏 張大鵬妻齊氏 李上達妻陳氏 陳紹  
棣妻王氏 陳紹楷妻劉氏 監生王純妻王氏  
李文華妻王氏 馬思茂妻王氏 楊喜曾妻  
哈氏 趙永慶妻劉氏 劉禧緣妻沈氏 張鴻  
文妻倪氏 張永暉妻陳氏 馬文樸妻武氏  
石元音妻張氏 孫聯第妻陳氏 柳逢春妻孫  
氏 劉永平妻馮氏 尤元慶妻李氏 王榮先  
妻張氏 許景元妻陸氏 文童陳鍾甫妻朱氏  
周玉書妻姚氏 謝連甲妻王氏 蘇瀚妻周  
氏 商漣妻張氏 張富貴妻孫氏 張玉林妻

鍾氏 王均善妻劉氏 李成妻龐氏 姜宗幹  
妻邵氏 經歷姜玉衡妻葉氏 劉天成妻楊氏  
趙聯珠妻郭氏 于大有妻文氏 馬彪妻朱  
氏 從九品沈書笏妻徐氏 楊兆奎妻徐氏  
監生樊之彥妻孫氏 賈元善妻王氏 監生王  
毓奇妻汪氏 劉國興妻唐氏 朱義存妻劉氏  
胡芝芬妻李氏 張恩普妻孫氏 劉廷傑妻  
閻氏 趙永慶妻劉氏 范錡妻韓氏 縣丞劉  
承需妻樊氏 文童王有慶妻葉氏 文童張鈺  
妻張氏 呂煊妻佟氏 鮑應彬妻張氏 周士

儀妻王氏 孟銓妾李氏 楊彬妻展氏 監生  
張鳳梧妻宋氏 楊廷玉妻牛氏 監生劉懷安  
妻張氏 王貴榮妻陳氏 張文興妻宋氏 莊  
瑞妻子氏 劉大永妻黃氏 張文元妻韓氏  
李德溥妻朱氏 王體乾妻張氏 張星奎妻丁  
氏 吳邦奇妻汪氏 林源妻趙氏 李寶林妻  
時氏以上光緒七年旌 劉懋修繼妻楊氏光緒  
九年旌 茹允吉母譚氏 王士元妻陳氏 楊  
向榮妻王氏以上光緒十年旌俱新通志  
生員張延詡妻馮氏 朱廷桂妻李氏 監生汪

美妻戴氏 生員汪烜妻李氏 張朝樞妻陳氏  
 張棟妻柳氏 生員邢昌言妻王氏 生員楊  
 篤慶妻楊氏 生員陳所養妻韓氏 生員劉慶  
 宏妻宣氏 吳應賓妻林氏 生員孟宗伊妻蔣  
 氏 楊懋禧妻王氏 陸暉妻丁氏 趙應貞妻  
 李氏 守備張夢周妻呂氏 生員張英妻馮氏  
 生員王思哲妻孫氏 生員沈可成妻董氏  
 姜萬捷妻王氏 辛念恆妻劉氏 武進士任京  
 營守備漆生色妻李氏 生員倪光國妻何氏  
 戶部主事母槐慶妻張氏 生員母光瑜妻靳氏

姜承美妻劉氏 生員張書紳妻楊氏 倪光  
 榮妻謝氏 生員張汝弼妻周氏 生員李先登  
 妻子氏 秦守安妻靳氏 詹金妻劉氏 生員  
 于滋妻羅氏 韓再捷妻朱氏 馬永堅妻胡氏  
 胡點妻陳氏 吉世興妻周氏 汪文紀妻楊  
 氏 汪文銳繼妻鄭氏 于邦翰妻吉氏 生員  
 于起泮妻嚴氏 生員于宗文妻陸氏 張國臣  
 妻李氏 張鑄妻李氏 倪世貴妻李氏 張我  
 實妻王氏 耿全德妻張氏 太醫院張恂繼妻  
 侯氏 前志侯氏縣志作張氏 生員孫天職妻蕭氏 劉邦

琦妻彭氏 副將梅應元妻黃氏妾薛氏徐氏

趙某妾裘氏 前志裘氏縣志作裴氏 孟起鳳妻張氏 張

我德妻馮氏 閻世英妻王氏 詹嶽妻孫氏

魏星士妻王氏 姜皓妻周氏 楊文妻郭氏

河南懷慶府知府張釗妾郭氏 州同王言妻趙

氏 劉玖妻靳氏 章紹學妻李氏 金宗文妻

王氏 生員趙懿翰妻高氏 生員趙濟妻柴氏

趙瑗妻張氏 趙楨妻鄭氏 梅應文妻孫氏

生員張蘊抱妻周氏 魏仁尋妻張氏 生員

于姓繼妻張氏 劉天亮妻張氏 李廷樾妻于

氏 李坤妻董氏 倪宏基妻張氏 生員倪汧

妻于氏 張大江妻王氏 大理寺評事于登仕

妻楊氏 王啟新妻宋氏 王文禮妻田氏 張

延祚妻宣氏 貢生宋世璽妻李氏 生員王振

基妻關氏 王廷臣妻汪氏 沈宏道妻韓氏

王勣妻陳氏 陶崧妻王氏 劉永年妻郭氏

監生范建棟妻李氏 孟衍道妻武氏 任鐸妻

楊氏 張士先妻陳氏 子卿妻鄭氏陳氏 李

之華妻周氏 王世勳妻古氏 曹士傑妻劉氏

監生方瑜繼妻劉氏 金永年妻孫氏 董公

衡妻顏氏 張仲明妻高氏 嚴應翹妻董氏

劉尙元妻辛氏 生員孟澤清妻何氏 生員馮

明妻趙氏 徐天富妻張氏 張信白妻侯氏

翟繩武妻蕭氏 李俊培妻劉氏 高雲昇妻杜

氏 生員劉濤妻梅氏 梁湜龍妻靳氏 生員

王培中妻汪氏 鄒廣奎妻萬氏 生員王翼儒

妻陳氏 鄧邦賢妻任氏 王大用妻楊氏 孟

廷揆妻王氏 杜瀚妻孟氏 陸宗周妻沈氏

劉起鯤妻張氏 生員胡晟妻潘氏 河南懷慶

府知府張釗妻孫氏 張錫昌妻杜氏 高昌宗

妻劉氏 生員周光印妻劉氏 顧紹先妻呂氏

王名立妻任氏 張桂元妻許氏 胡士龍妻

張氏 胡士達妻王氏 生員李汝嶠妻胡氏

雍正已酉武舉楊濂繼妻齊氏 王士俊妻杜氏

生員繆大超妻傅氏 李榮秀妻張氏 劉象

武繼妻郭氏 象武祖母與母兩世俱苦節 張

璟妻郭氏 馮瑣妻郝氏 監生胡彪妻魏氏

生員張士清妻董氏 監生周琮妻子氏 薄國

瑞妻馮氏 潘應魁妻許氏 楊景修妻子氏

李成友妻陳氏 劉德妻劉氏 鄭五妻某氏

田振妻王氏 何元通妻子氏 李勝義妻邱氏

張釗妻李氏 徐東鸞妻金氏 城東南小孫

家莊杜某妻趙氏 許士林妻張氏 生員李奇

炯繼妻王氏 生員蕭啟昌妻張氏 趙珣妾傅

氏 監生趙瑛妻賈氏 湖南巡撫查禮次子泳

妻李氏 王錡妻劉氏 監生劉友益妻梁氏

陳文炳妻周氏 郭志理妻洪氏 傅有仁妻徐

氏 楊份繼妻谷氏 黃焯妻馮氏 東沽村鄭

必濟妻蕭氏 趙大士妻王氏 生員牛蔚文妻

趙氏 牛兆升妾張氏 邢自良妻張氏 華聯

昇妻劉氏 張萬銀妻衛氏 張進孝妻李氏

貢生曹翰青妻張氏 生員曹振青妻高氏 葛

沾寇廷瓚妻許氏 路九思妻劉氏 監生李應

安妻謝氏 楊勃妻楊氏 監生孟榆妻張氏

生員李汝端繼妻張氏 劉錦妻王氏 吳世梅

妻敖氏 韓大模妻劉氏 王翔妻解氏 王嘉

猷妻毛氏 金思敬繼妻馬氏 生員金肯堂繼

妻王氏 刑部郎中徐瀾長子禾妻張氏 徐濂

妻朱氏 張鑑妻趙氏 張樾妻趙氏 張棟隆

妻李氏 舉人張玉懷妻王氏 張立綱妻魏氏

李世昌妻魯氏 監生李廷文繼妻劉氏 李

蟠奇妻張氏 孫自仁妻孫氏 把總馮德瑞子

元茂妻楊氏 經歷馮德璧子武舉元凱妻耿氏

韓琮妻柴氏 孟永烈妻張氏 郭樹妻竇氏

宋維祖妻張氏 于尙禮妻劉氏 郭朝柱妻

黃氏 于邦佐妻王氏 生員金國相繼妻凌氏

陳文德妻李氏 陳學易妻徐氏 楊仁滋妻

李氏 周岐昌妻劉氏 監生周祐妻金氏 梅

龍圖妻侯氏 閻大妻陳氏 李廷貴妻劉氏

劉文相妻樊氏 李元良妻孟氏 陝西朝邑典

史李應昌妾朱氏 趙某妻查氏 沈天爵妻楊

氏 處士黃元植妻王氏 王傑妻葛氏 張猶

龍妻楊氏 張汝弼妻杜氏 梅天籌繼妻胡氏

王連妻張氏 張允恭妻杜氏 黃元勳妻韓

氏 王某妻楚氏 沈元焜妻程氏 劉文明妻

于氏 劉文星妻李氏 劉文亮妻曹氏 又文亮

子錦妻王氏 劉富祥妻閻氏 吳國政妻王氏

許文麟妻金氏 玉秀峰妻諸葛氏 監生王

嘉臣妻呂氏 生員宋大本子德成妻金氏 曾

魁妻范氏 金德隆妻俞氏 生員毛麟生子熊

重刊天津府志卷之六 列女 三  
飛繼妻許氏 馮珍妻韓氏 杜玉妻趙氏 大  
任莊孫克顯妻邢氏 進士朱嘉善妻張氏 吳  
大德妻牛氏 貢生靳鶴齡妻王氏 廩生杜宗  
甫妻徐氏 監生趙立誥妻徐氏 孫明遠妾韓  
氏 高文通妻楊氏 丁樹妻向氏 駱鳳書妻  
陳氏 楊永姓妻劉氏 陳九思妻張氏 杜興  
基妻安氏 施煥妻張氏 沈元慶妻樂氏 諸  
廷標妻劉氏 舉人韓理繼妻張氏 張植妻姜  
氏 魏兆京妻蔡氏 侯言妻郝氏 趙世紳妻  
王氏 西仲祥妻許氏 查克紹繼妻金氏 黃

世忠妻崔氏 竇文會妻董氏 竇永齡妻趙氏  
舉人俞爾經妻朱氏 丁鑰妻王氏 生員趙  
立功妻李氏 廩生余文煒繼妻馬氏 監生孫  
寶甯妻翟氏 馮治妻張氏 殷國輔妻王氏  
韓瑞妻朱氏 武生李鑑妻楊氏 俞體妻張氏  
李維泰妻某氏 監生項照妻張氏 高際昌  
妻褚氏 沈秉彝妻孫氏 陳以敬妻宋氏 監  
生張榮陞妻周氏 丁榮妻金氏 李守義妻李  
氏 城南馬家口王大妻王氏 孫某妻某氏  
傅珣妻宋氏 范家莊劉國燦妻于氏 州同張

瑾妻章氏 監生牛鍾瑞妻張氏 許作雲妻劉氏縣志

監生吳肇裕妻金氏 候選理問金桂妻查氏

武生徐之柄繼妻李氏 副榜徐炳繼妻李氏

生員徐文煥妻趙氏 監生朱裕年妻鄭氏 刑

部主事李恩綬妻張氏 生員段元辰繼妻趙氏

張緒廷妻靳氏 生員黃燾妻張氏 劉祥妻

張氏 處士李惟中妻江氏 舉人高潮妻徐氏

同知李壽愷妻王氏 武翼都尉嚴道遵妻王

氏 處士嚴師範妻王氏 俞伸妻楊氏伸一作仲

孝子李永凝妻張氏 處士趙興旺妻孟氏 李

樹實妻周氏 文童王繩祖妻鄔氏 處士陳紹

周妻李氏 生員王永修繼妻任氏 山東昌邑

知縣蔣式增之子某妻子氏 增生張春藻妻趙

氏 同知李壽祺妻朱氏 朱大興妾李氏 文

童姚學崇妻徐氏 汪波妻張氏 生員蘇善明

妻張氏 陳康平妻華氏 處士劉機運妻徐氏

處士陳錫嘏妻王氏 處士楊大欽妻謝氏

沈士杰妻胡氏 監生蕭勳蔭妻高氏 生員于

震吉妻孫氏 李春塘妻黃氏 查敬繼妻孫氏

宋瑞妻張氏 城北李明莊孟芳田孫某妻孫

氏 侯善成妻楊氏 武生張萬慶妻姚氏 四

里沽陳錫元妻劉氏 生員丁坦妻靳氏 處士

于晉吉妻金氏 葛沽蘇象乾妻胡氏 鄭士英

妻沈氏 城東南處士陳士雄妻高氏 生員張

玉龍妻西氏 楊某妻張氏 李嘉樂妻靳氏

州同銜胥采亭妻蔣氏 監生梅聯芬繼妻靳氏

廩生李觀繼妻陳氏 張榮錫妻陳氏 監生

王文銓妻周氏 劉蕪林妻柴氏 舉人張嗣英

繼妻郭氏 生員趙大任繼妻孫氏 大沽寇達

安妻王氏 尹某妻白氏 處士丁光倫妻趙氏

處士王世甯妻張氏 葛沽張德柔妻楊氏

王某妻郝氏 姚家灣張名玉妻李氏 處士鄭

桂妻張氏 從九品陳文馴妻章氏 馮錦妻陳

氏 李景慶妻孟氏 城西小園李國順妻姚氏

高某妻劉氏 監生張式堪妻沈氏 城西小

園李國瑞妻劉氏 處士于泰吉妻余氏 增生

李榮恩妻馮氏 謝登第妻張氏 梅永芳妻張

氏 劉鑫妻鄭氏 葛沽劉萬鏞妻任氏 趙恩

元妻王氏 生員姚學俊妻張氏 劉長泰妻戴

氏 城西鄭邦植妻劉氏 楊柳青監生王元善

妻馬氏 生員馮春曦妻劉氏 處士張錫元妻

姚氏 杜國賓妻王氏 東沽王家振妻楊氏

唐維寶妻趙氏 處士靳士昌妻齊氏 文童張

長泰妻孟氏 四里沽張自立妻陳氏 東沽王

家壽妻陳氏 葛沽米樹滋妻張氏 城南溜米

廠范美芝妻陳氏 大沽生員寇滄妻馮氏 監

生張春霆妻孫氏 穆文元妻王氏 武生徐振

來妻鄒氏 文童沈書誥妻李氏 葛沽劉君章

妻寇氏 廣東感恩縣令殷秉銛妾陳氏 處士

余蔭梅妻陸氏 魏興順妻袁氏 葛沽孫貴妻

李氏 處士劉春灃繼妻王氏 處士趙吉士妻

沈氏 從九品趙吉常妻馬氏 生員沈維瑞妻

吳氏 鹹水沽吳天德妻子氏 葛沽任紹恩妻

寇氏 處士楊金鎧妻田氏 孫桂林妻魏氏

賈肇新妻武氏 章文煜妻龐氏 遊擊銜馮恩

綬妾周氏 天津城守營外委梅鳳翔妻楊氏

監生王度妻梅氏 監生王信成妻劉氏 江甯

監生趙學本妾宋氏 監生胡有文妻唐氏 城

西海會寺前謝某妻周氏 城西王懷新妻宋氏

城西張士信繼妻魏氏 生員高偉觀妻梅氏

生員梅洪瀛妻張氏 文童范小松妻高氏

運同銜生員黃世名妻董氏 監生丁壽彭妻黃

氏 監生王家棠妻高氏 生員蕭銓繼妻周氏

從九品王瀆妻張氏 江西典史魏福鉅妻陳

氏 陳培妻胡氏 處士張人英妻高氏 趙永

祥妻田氏 翰林院待詔季秉錕妻章氏 監生

張體誠妻繆氏 葉桂徵妻張氏 生員梅士英

妻饒氏 生員車福昌妻蕭氏 周士林妻孟氏

監生王朝桂妻張氏 高從德妻吳氏 喬松

妻楊氏 候選吏目龐玉成妻邊氏 喬廷炬妻

寇氏 李阿平妻鄭氏 葛沽胡儒妻喬氏 雲

南嵩明州知州金藩妾馬氏 處士王孚寬妻陳

氏 監生田萬程妻趙氏 葛沽文童趙博厚妻

楊氏 喬廷煥妻于氏 處士徐焜妻胡氏 沈

旺妻楊氏 生員陳莊敬妻胡氏 解開運妻鄭

氏 葛沽徐秉仁妻趙氏 泥沽趙士選妻子孟氏

郭浦妻魯氏 監生鄭承祖妻李氏 鄭學澄

妻蕭氏 鄭思孜妻郭氏 王純修妻董氏 趙

家藩妻邵氏 監生楊兆堂妻孫氏 葛沽蘇尙

志妻胡氏 楊發妻劉氏 王世崑妻許氏 喬

桐妻王氏 王偉妻喬氏 葛沽鄧錦亭妻薛氏

吳廣善妻張氏 王士翰妻馮氏 鄭彬妻王

氏 郭長春妻王氏 喬毓華妻鄭氏 李聯元

妻子氏 鄭思謙妻寇氏 鄧善沽趙延年妻朱

氏 王家通妻李氏 蔣大鏞妻曹氏 沈志溶

妻黃氏 鄧善沽朱景文妻陳氏 王永啟妻朱

氏 劉賦妻戚氏 劉開鼎妻陳氏 于德龍妻

王氏 田履謙妻郭氏 生員劉開之妻李氏

馬俊妻齊氏 李如春妻鄭氏 呂鏡妻趙氏

張奎元妻滑氏 邢玠妾李氏一作妻 解元會妻

劉氏 監生宋廷弼妻陳氏 劉光甲妻李氏

王恩泰妻李氏 劉淦妻周氏 謝廷蔭妻周氏

張永發妻孫氏 廩生李文燾妻杜氏 陳兆

麟妻周氏 北倉監生劉丹陛妾楊氏 增生劉

開鑑繼妻張氏 劉兆武妻李氏 韓兆富妻王

氏 北倉張裕式妻趙氏 大沽李在綱妻季氏

葛沽王盛有妻李氏 陳兆鳳妻子氏 葛沽

金永盛妻趙氏 劉東明妻郭氏 葛沽李長榮

妻薛氏 葛沽張元善妻劉氏 監生徐鳳臺妻

張氏 葛沽周際盛妻蘇氏 曹永明妻張氏

葛沽李大觀妻薛氏 王純隆妻韓氏 葛沽張

大科妻劉氏 鹹水沽王承古妻鄭氏 陳以忠

妻徐氏 葛沽孫峻妻徐氏 泥沽周楨妻張氏

殷萃僑妻王氏 李國宗妻馬氏 展維錦妻

金氏 葛沽任紹印妻寇氏 韓登俊妻鄭氏

劉光裕妻許氏 劉紹聞妻殷氏 劉開任妻張

氏 王居善妻丁氏 劉步文妻龐氏 沈清妻

馮氏 孫思睿次子某妻梅氏 河東吉家巷王

士晉妻高氏 李長順妻郝氏 王恩第妻劉氏

劉順異妻喬氏 段椿妻張氏 李長起妻楊

氏 文童龐夢蓮妻陳氏 廩生曹用樑妻汪氏

一作子婦 北倉張裕承妻孫氏 趙家望妻翟氏

韓汝霖妻高氏 王同謙繼妻鍾氏 李光第妻

孟氏 武進士劉廷棟妻章氏妾魏氏 生員孟

宗伊妻蔣氏 生員孟宗清妻何氏 孟廷揆妻

王氏 孟兆成妻湯氏 華承瀛妻張氏 華長

熙妻劉氏 葛沽米樹桐妻田氏 梁承澤妻武

氏 監生王錚繼妻孟氏 處士周興鎔妻王氏

武生黃家鰲妻王氏 處士李尙賢妻穆氏

監生劉湘妻孫氏 韓蔭棠妻李氏 韓文藻妻

王氏 梁逢慶妻韓氏 陳玉樹妻陸氏 王樹

棠妻吳氏 董夢塘妻宋氏 董用威妻王氏

舉人陳曾慶次子從九銜恩來妻劉氏 田錦江

妻任氏 金珮鎔妻胡氏 貢生五品銜尉廷梁

妻王氏 王翼行妻陳氏 郭朝柱妻黃氏 楊

漣妻張氏 潘應魁妻許氏 劉鳳岐妻吳氏

章恩綬妻林氏 趙光龍妻張氏 夏聯妻王氏

胡承謨妻劉氏 王紹唐妻沈氏 陳鳳閣妻

高氏 唐文凱妻劉氏 邵鵬年妻常氏 把總

胡靖安妻魏氏 趙永年妻田氏 李棠妻魏氏

陶元和妻孫氏 廖虎文妻柴氏 李林妻郭

氏 陳德光繼妻張氏 姚恆榮妻李氏 生員

姚震榮妻李氏 生員沈嘉善妻魏氏 沈慶瀾

妻黃氏 監生張祖堯妻苑氏 聞喜縣令張祖

坊妾二李氏 李恆妻張氏 黃克寬妻張氏

王恂妻婁氏 沈清蘭妻孫氏 陳開祥妻楊氏

孫石箴妻杜氏 張以誠妻盧氏 職員趙之

鍾妻王氏 李棠妻胡氏 新通志

徐慶栗妻柴氏 武生魯定平妻劉氏 陳士信

妻金氏 倪元英妾錢氏 張衛藩妻王氏 趙  
 端己妻宮氏 謝宏繼妻何氏 寇德元妻翟氏  
 穆興文妻劉氏 何裕圻妻劉氏 劉登第妻  
 韓氏 韓學達妻陳氏 李兆成妻孫氏 張永  
 魁妻劉氏 楊光第繼妻侯氏 劉秉福妻韓氏  
 謝景洙妻張氏 張人英妻高氏 六品銜黃  
 敘五繼妻張氏 薛銀妻張氏 陳大智妻劉氏  
 管瑞章妻胡氏 監生元恩聘妻林氏 文章  
 查有塚妻宋氏 張振興妻王氏 夏永振妻趙  
 氏 張克德妻韓氏 監生閻慶順妻張氏 劉

英妻張氏 陳士雄妻高氏 王發妻劉氏 于  
 世芝妻楊氏 監生任元善妻李氏 陶致中妻  
 馮氏 陳魁昇妻李氏 孫承恩妻傅氏 王宗  
 敏妻顧氏 張富妻張氏 高上達妻張氏 沈  
 長吉妻解氏 趙承漢妻李氏 陳玉文妻劉氏  
 丁松巖妻安氏 柴沅芝妻秦氏 文童劉恩  
 培妻任氏 經制外委張義妻龔氏 劉振倫妻  
 何氏 金世榮妻婁氏 孔憲彝妻王氏 劉汝  
 魁妻王氏 王永泰妻胡氏 候選所千總劉維  
 翰妻辛氏 劉琳妻李氏 劉士元妻劉氏 周

兆源妻張氏 李鳳來妻郭氏 元恩選妻張氏

任紹宗妻高氏 杜長泰妻劉氏 任元化妻

劉氏 文章劉宗漢妻武氏 趙祥麟妻張氏

文章韓蔭棠妻李氏 劉文達妻張氏 員富旺

妻趙氏 許保恆妻李氏 劉蔭椿妻張氏 處

士于慶妻張氏 監生趙恩錫妻孟氏 孫銘妻

朱氏 潘桂友妻莊氏 劉文靜妻李氏 魏春

林妻王氏 李永富妻孫氏 鄭天旺妻張氏

生員王士奇妻趙氏 監生于振圖妾劉氏 董

雲龍妻王氏 陸文元妻宋氏 生員車廷珍妻

蕭氏 處士曾毓禧妻田氏 生員趙嘉麟妻曹

氏 楊宗楷妻靳氏 華聚妻高氏 楊希堯妻

駱氏 顧松年妻王氏 田士青妻李氏 田大

瑞妻李氏 生員杜元章妻趙氏 周國楨妻張

氏 廣平府訓導喬聯奎妻劉氏 文章馮國彥

妻張氏 張士元妻周氏 朱成玉妻王氏 邊

玉文妻王氏 監生朱啟祥妻李氏 馳封奉政

大夫文章李恩培妻劉氏 葉逢春妻孫氏 韓

崑妻徐氏 劉敬修妻王氏 薛思妻趙氏 李

開文妻胡氏 張錫奎妻吳氏 張春第妻齊氏

謝德善妻趙氏 王允德妻趙氏 李萼妻劉

氏 文童友義妻馬氏 高作霖妻杜氏 監生

孫永泰妻劉氏 楊治立妻子氏 鄭文明妻任

氏 趙永祥妻王氏 劉恩禧妻安氏 李國安

妻王氏 宋廷弼妻陳氏 宋耀先妻岳氏 張

海妻韓氏 馬禮賢妻宋氏 黃釗五妻張氏

生員劉熙年妻周氏 文童劉文誠妻黃氏 鄧

和錦妻李氏 張海妻韓氏以上請旌已故者請旌

呂鳳池妻王氏 姚開順妻李氏 劉長發妻王

氏 文童李伯夔妻繆氏 監生李玉圻妻王氏

監生戴恩綬妻陳氏 監生陸鏞妻趙氏 劉

銛妻陳氏 高捷妻郝氏 屯留知縣張祖坊妾

李氏 王宗正妻毛氏 張景德妻夏氏 楊文

華妻杜氏 張振邦妻劉氏 張國棟妻李氏

郭天祿妻劉氏 趙春臺妻劉氏 張玉及妻周

氏 王永泰妻李氏 杜兆崑妻崔氏 安亮有

妻趙氏 李東來妻馬氏 沈汝瀾妻高氏 畢

拱辰妻李氏 王邵文妻唐氏 劉汝魁妻王氏

姜士奇妻劉氏 譚文振妻朱氏 湯均喜妻

何氏 湯溶妻盧氏 方玉崑妻劉氏 文童韓

允誠妻韓氏 周乾元妻王氏 武生蕭文田妻

陳氏 劉廣富妻子氏 六品銜姚雲錦妻費氏

外委李世恩妻楊氏 孫永年妻李氏 李茂

春妻崔氏 孟玉廷妻趙氏 劉玉恆妻孟氏

張成妻鮑氏 敖登瀛妻孫氏 李英妻劉氏

文童劉維珍妻趙氏 張桂榮妻劉氏 石鳳同

妻劉氏 李安泰妻季氏 監生王漢騫妻盧氏

楊春鋌妻劉氏 趙大文妻燕氏 張培妻劉

氏 張恩承妻蕭氏 劉大年妻王氏 華承瀛

妻張氏 顧遐齡妻高氏 王義豐妻馬氏 王

繼忠妻劉氏 任開泰妻夏氏 費得勝妻范氏

竇士英妻管氏 趙永發妻楊氏 趙萬春妻

劉氏 韓繡妻葉氏 紀鳳書妻王氏 朱福府

妻劉氏 李自華妻武氏 周興鎔妻王氏 從

九品吳樹本妻孫氏 文童朱宗和妻李氏 高

廷桂妻馮氏 符永泰妻楊氏 張世珍妻孫氏

張畊妻武氏 張佩紳妻趙氏 張麟書妻李

氏 文童王漣妻蔡氏 楊遇霖妻王氏 楊玉

濤妻陳氏 楊觀潮妻沈氏 陳玉樹妻陸氏

李得魁妻高氏	楊金聲妻劉氏	監生華銘繼
妻田氏	李平安妻張氏	劉光鼎妻安氏
文	童劉先錦妻李氏	張起鳳妻田氏
張廷樑妻	馮氏	趙庚生妻孫氏
李文炯妻毛氏	華順	妻翟氏
梁逢庚妻王氏	張世勳妻劉氏	衡
化成妻張氏	李泉妻趙氏	王滋妻辛氏
于	鏜妻姚氏	吳連恩妻王氏
王維璞妻沈氏	陳立誠妻齊氏	外委張時榮妻李氏
伊德明	妻賈氏	徐春妻郭氏
李兆	遠妻吳氏	侯慶宗妻周氏
王維琨妻薄氏	李兆	遠妻吳氏
王維琨妻金氏		

張春芳妻王氏	王恩渥妻許氏	王世雄妻董
氏	監生華登鰲妻金氏	生員徐惟欽妻曹氏
監生陳紹縉妻王氏	陳鳳喈妻柴氏	李桐
妻張氏	龔雅正妻崔氏	監生李如妻宋氏
生員李樹槐妻楊氏	典史業向清妻李氏	周
國柱妻王氏	牛錫曾妻龔氏	從九品李延年
妻劉氏	趙恩成妻蔣氏	汪慶金妻王氏
張	振魁妻黃氏	李松妻王氏
郭思明妻劉氏	沈毓清妻田氏	文章沈雲湘妻董氏
胡友輔	妻唐氏	錢光裕妻梁氏
監生趙承彥妻李氏		

張源妻王氏 張恩裕妻王氏 藍恩榮妻鮑

氏 文章張曰珍妻王氏 季誠妻張氏 張春

選妻趙氏 監生張祖境妻苑氏 陸均妻趙氏

劉永發妻沈氏 呂士傑妻趙氏 太平府王

觀成妻趙氏 生員李偉妻王氏 趙德發妻王

氏 平登瀛繼妻趙氏 孟傳慶妻辛氏 從九

職員李體直妻陳氏 姚濟川妻王氏 陳邦傑

妻羅氏 王廷富妻張氏 甄鎔齋妻劉氏 李

永祥妻王氏 林天福妻周氏 王益清妻宋氏

監生俞兆淦妻戈氏 魏玉衡妻趙氏 翟恆

占妻張氏 沈鳳藻妻楊氏 趙習禮妻劉氏

鄭寶平妻王氏 生員沈穆妻朱氏 高尚友妻

劉氏 六品軍功高尚賓妻陳氏 監生顧開第

妻薛氏 顧聯甲妻梁氏 王世芳妻邢氏 楊

繼泰妻寇氏 安泰妻孫氏 宿海亭妻張氏

宿平妻曹氏 韓春魁妻王氏 周永昌妻閔氏

郭連仲妻彭氏 王泰妻劉氏 李永茂妻薛

氏 監生趙聯奎妻曹氏 郭馨齋妻許氏 吉

輔芝妻祁氏 周士林妻孟氏 王湘妻張氏

高新妻田氏 李金成妻陶氏 陳玉良妻吳氏

張富椿妻王氏 于坤妻李氏 李昕妻張氏

趙振妻張氏 監生陸聯珠妻李氏 鄭文耀

妻陳氏 陳錫三妻馮氏 趙京錫妻王氏 任

景旭妻劉氏 竇元理妻劉氏 李嘉謨妻蕭氏

候選從九胡聯珩妻李氏 王裕昌妻張氏

周富貴妻劉氏 郭鴻起妻張氏 韓文運妻楊

氏 邵永昌妻趙氏 監生沈汝霖妻汪氏 吳

大琛妻王氏 馬遇春妻關氏 生員張鎔妻張

氏 周世澤妻魏氏 郭春榮妻曹氏 李芳妻

馬氏 王道坦妻孫氏 李兆慶妻王氏 董又

新妻齊氏 山西鳳台知縣張振緒繼妻王氏

楊永春妻何氏 潘長泰妻王氏 王鳳鳴妻李

氏 趙永光妻呂氏 于大本妻王氏 文童劉

景夔妻蕭氏 生員劉維乾妻袁氏 陳均妻汪

氏 朱鳳苞妻張氏 朱煥繼妻許氏 趙椿妻

鄭氏 楊豐妻王氏 黃夢占妻田氏 劉中海

妻趙氏 王永芳妻子氏 劉存妻高氏 張永

太妻蘇氏 張慶雲妻趙氏 馬玉成妻龔氏

張體仁妻王氏 盧浚妻王氏 盧體和妻駱氏

張兆元妻邵氏 張廷槐妻呂氏 佟安然妻

劉氏 程起妻張氏 周文章妻劉氏 宋修文

妻王氏 貢生樂霑妻崔氏 陳樸妻謝氏 穆

朝益妻施氏 邊兆麟妻李氏 裴錫田妻林氏

魏樾妻王氏 王錫良妻安氏 沈德善妻張

氏 崔德明妻楊氏 監生馬詩成妻張氏 丁

書元妻高氏 楊瑞妻周氏 諸豫妻張氏 李

德源妻吳氏 錢順成妻唐氏 趙得順妻王氏

于溱妻許氏 趙棠妻胡氏 周世照妻葛氏

張天祐妻毛氏 文童崔俊圃妻馮氏 章益

泰妻侯氏 郭世勳妻王氏 監生胡友仁妻于

氏 王兆湘妻戴氏 齊維模妻董氏 文童張

文煥妻吳氏 李毓春妻李氏 張廷樑妻殷氏

張恩慶妻趙氏 陳泰源繼妻劉氏 從九品

曹繼祖妻汪氏 韓廷柱妻門氏 處士余開甲

妻蔣氏 楊卜五妻子氏 王永慶妻汪氏 孫

志洪妻宋氏 殷萃健妻張氏 倪寶珠妻尙氏

趙作霖妻邊氏 袁大倫繼妻馮氏 張殿臣

妻劉氏 王永蔚妻張氏 李成祥妻景氏 監

生金寶森妻董氏 徐輔廷妻梁氏 陳彩巖妻

馮氏 楊德妻李氏 張文彬妻趙氏 文童李

純妻劉氏 劉炳乾妻周氏 馬禮智妻畢氏

袁沛祥妻魏氏 丁宣妻潘氏 史有慶妻魏氏

蘇興妻師氏 蘇佩妻郎氏 監生楊德潤妻

劉氏 把總黑寶常妻李氏 陸平齊妻謝氏

葉正陽妻宋氏 朱文德繼妻戴氏 監生陸椿

妻王氏 文童陳恩榕妻黃氏 監生胡寶妻李

氏 王大文妻李氏 李春源妻韓氏 張運妻

王氏 韓大興妻馮氏 李金城妻劉氏 姜温

其妻孫氏 姜温華妻王氏 趙順妻魯氏 生

員金廷珣妻周氏 趙永慶妻劉氏 周玉書妻

姚氏 監生樊之彥妻孫氏 賈元善妻王氏

監生王毓奇妻汪氏 王有慶妻葉氏 周士儀

妻王氏 孟銓妾李氏 張星奎妻丁氏 吳邦

錡妻汪氏 孟克訓妻李氏 王永齡妻許氏

國恩印妻許氏 姜世春妻張氏 二品封典原

任江蘇睢甯縣知縣金鎔妾高氏 殷萃潔妻鄭

氏 處士陳鳳崗妻李氏 卜協恭妻王氏 高

璧妻王氏 張大椿妻邵氏 韓捷妻劉氏 文

童戴元善妻張氏 六品銜董永貴妻齊氏 陳

盛妻劉氏 黃鐸妻寇氏 黃晉齋妻高氏 生

員陳錫三妻馮氏 處士蕭永元妻王氏 張文

煥妻吳氏 李金山妻劉氏 劉乘蓮妻宋氏

宋寶德妻張氏 左廷柱妻李氏 周世信妻孫

氏 沈均喜妻高氏 王永妻李氏 舉人張大

俊妻馬氏 任尙先妻朱氏 楊振之妻閻氏

劉元榮妻張氏 張國慶妻朱氏 文童房兆奎

妻武氏 陸均妻王氏 監生楊世德妻陸氏

文童劉永安妻李氏 羅文煥妻高氏 曹國起

妻傅氏 王泰昌妻楊氏 文童李簾青妻張氏

鄭文元妻闕氏 朱聯第妻尹氏 五品頂戴

劉廷弼妻張氏 文童 聖妻曹氏 軍功五品

銜監生沈錫恩妻邵氏 張均繼妻鍾氏 高其

昌妻王氏 四品封典姚文妻王氏 李永育妻

王氏 賈成義妻董氏 候選訓導署正銜武鳳

翱妻侯氏 監生候選縣丞陳登第妻羅氏 李

銓妻梁氏 王賢仲妻趙氏 周恩普妻史氏

李文慶妻武氏 監生錢廷元妻趙氏 唐璽印

妻王氏 趙榮妻王氏 趙金元妻子氏 李鳳

吉妻徐氏 生員何作霖妻孫氏 何兆霖妻李

氏 楊觀潮妻沈氏 劉和琳妻陳氏 徐新銘

妻孫氏 韓文昇妻高氏 孫荷妻王氏 文童

韓文藻妻王氏 周錦波妻張氏 文童劉連茹

妻紀氏 劉長發妻李氏 文童劉兆祥妻陳氏

馬承德妻王氏 五品軍功宋士元妻邱氏

曹巖福妻劉氏 吉福順妻宋氏 處士梅元度

妻韓氏 崔岐山妻劉氏 張開甲妻韓氏 沈

祿恆妻王氏 監生趙開第妻王氏 劉永和妻

王氏以上已旌者

請旌册



中國社會科學院  
卷四十九終

